

宋

會

要

全唐文

宋會要

親征

太祖建隆元年四月十四日昭義軍節度李筠叛五月  
十九日內出手詔曰朕仲膺天璽肇啓皇圖念可畏之  
非民敢無名而動衆李筠不知天命犯我王誅棄帶河  
礪獄之恩為干紀亂常之事已行政討即伏鑒乎當九  
夏之炎蒸念六師之勞苦深居宮闕情所難安當議省  
巡用申慰撫朕取此月內暫幸軍前所司借頓務從儉  
約郡國長吏不得擅赴行在兩京留守官起居表章傳  
置以聞勿令勞擾以稱朕意二十四日次滎陽西京留  
守向拱河陽節度使趙鼎來朝太祖召拱與語拱曰李

筠逆節久露兵勢漸盛陛下宜速濟大河歷太行乘其未集而擊之平賊必矣若稽決旬臣恐賊鋒益熾攻之難力矣帝深然之三十日王師環其城龍捷軍使王廷魯率所部兵自昭義來歸六月一日車駕傳澤州城下命諸軍攻之初吐渾府都留後汾州團練使五金德帥所部從筠至與王師接戰兵大敗奔潞州及帝圍澤州金德大懼率親信數十人斬關而出歸於行在十三日帝率衛兵急攻賊壘已時援之獲偽宰相衛融詔釋其罪筠赴火而死十七車駕北伐潞州十九日其子守節舉城迎降詔釋其罪賜襲衣鞍馬以撫之是日帝入潞州宴從官於行宮守節與馬二十二日升單州為團練

以守節為使餘偽官効順者皆優錄之二十三日敕應  
行營將士並與優給沒王事者錄其子孫無子孫者給  
其家糧廩二年十將已上仍加等贈官七月十日車駕  
至自澤潞九月楊州李重進叛十月二十一日內降手  
詔曰朕以叛臣負國克黨嬰城勞將帥以征行救生靈  
之塗炭重念蒙犯霜露跋涉山川將親示於撫巡須暫  
離於京闕朕取今月內幸楊州凡所供須務令省約方  
期靜亂無至勞人餘依征澤潞詔書從事 先是帝謂  
侍臣曰朕於周室舊臣無所猜問但重進不體朕心自  
懷反側今既速勞師旅須自撫巡故下詔焉二十四日  
車駕南征二十七日次宋州時城中軍有戍楊州者父

母妻子頗懷疑懼分命中使就撫之十一月八日次泗  
州命諸軍陸行而進十一日次大儀頓前軍都總管石  
守信遣馳騎上言楊州破在頃刻請速臨幸帝覽奏徑  
至城下併兵攻之尋拔其城重進擁其家屬登于城東  
樓縱火自焚重進兄深州刺史重興聞其叛自剄而死  
弟解州刺史重贊及其子尚食使延福並戮於市楊州  
平帝駐蹕西南隅閱逆黨誅數百人賑給楊州民米一  
斛十歲以下半之為重進逼脅隸軍籍者賜衣屨遣之  
又詔楊州城下役夫有死於矢石者人給絹三匹復其  
家三年二月九日以宣徽北院使李處耘權知楊州  
十二月二十二日車駕至自揚州開寶二年二月十

一日內降手詔曰朕以菲薄為天下君臨御以來不敢  
逸豫憂勞庶政勤恤下民所冀咸遂昭蘇漸臻治定雖  
未遑於偃革固匪願於加兵蠢爾太原獨背朝化潛依  
虜帳數結蜀川既喪劉鈞旋立異姓豈能保寧尋亦覆  
亡今殘衆游魂騷童專國乘我郊裡之際來侵晉絳之  
民焚盭鄉川毆零黎庶致數州之被害顧涼德以何安  
宜順人心襲行天討朕取此月內率六師親征汾路供  
須並從官給務令省約無至勞人十七日車駕北征三  
月二十一日傳令城下二十三日觀兵於城南命築長  
連城二十四日幸汾河修橋梁分命朝臣發太原諸縣  
丁夫數萬赴城下二十六日偽憲州軍事判官史昭文

以邵來降即授本州刺史仍賜襲衣金帶鞍勒馬二十  
八日幸城東南始命築長隄壅水灌其城二十九日決  
晉祠水注于城下三十日置寨於城四面李繼勲軍於  
南趙質軍於西曹彬軍於北党進軍於東以脅之四月  
四日遣海州刺史孫方進率兵數千人圍汾州以判四  
方館翟守素監其軍五月八日城北引汾水入新隄灌  
其城內十二日幸城東南命水軍乘小舟載彊弩以逼  
其城二十一日命諸軍進攻西門二十三日偽知嵐州  
趙文度來歸待罪於行宮帝命釋之賜襲衣玉帶鞍勒  
馬器幣應嵐州偽官賜物有差時殿前指揮使都虞候  
趙廷翰上言以城壘未下諸班衛士咸願登城死力以

圖攻取帝曰汝等吾躬自訓練皆一以當百所以備肘腋同休戚也一旦以小寇未平而欲先登陷敵吾寧不得太原城不欲令汝輩蹈必死之地左右皆感泣再拜呼萬歲 閏五月二日太原城堞摧圯大水注於城中并人莫之禦太祖遽幸長隄觀焉軍士登望樓見城中人奔竄不暇三日幸城南命水軍乘舟以焚其門七日移行宮於東罕山之南將班師也 時太常博士李光贊上言曰陛下應天順人體元御極戰無不勝謀無不威四方恃險之邦僭竊帝王之號者昔與中國為鄰今日與陛下為臣叢爾晉陽豈須親討重勞飛輓構怨黔黎得之未足為榮失之未足為辱國家責靜天道惡盈



所慮向來恃險之邦近日歸明之國間是後也竭府庫  
之財盡生民之力中心踴躍各有覲覲傳曰鄰之厚君  
之薄也豈若迴鑒復都屯兵上黨使夏取其麥秋取其  
禾既寬力役之勞便是蕩平之策惟陛下裁之况時屬  
炎蒸候當暑雨儻或河津汎溢道路阻艱輦運稽遲恐  
勞宸慮帝覽奏甚喜命宰相趙普撫諭之而詔移軍焉

六月十八日車駕至自太原

大典卷七十八  
九百九十八

宋會要親征

太宗興國四年二月二日詔曰王者肆覲羣后存問百年必因龜筮之祥會於方嶽之下所以巡諸侯之守達遠民之情斯為舊章豈可暫廢眷茲河朔控乃邊陲翠華久曠於豫遊比屋實勤於望幸宜親巡於疆場庶躬撫於士民慰其僕后之心用展省方之義柳風沐雨朕無憚焉朕今暫幸鎮州以此月內進發沿路供頓並從簡儉凡百費用悉以官物充不得於民間輒有科率諸州不得於州縣輒有須索車駕經過州府縣鎮並不得於道路排比香臺畫壘青繩欄竿等物近處節度防禦團練刺史知州等不得輒離任所求赴朝覲西京留守

司官及諸州屯戍將校上表起居並附驛以聞應經過  
除州府外縣鎮官吏並不得輒以饗饋為獻十九日次  
德清軍均州刺史解暉尚食使折彥斌攻隆州二十七  
日次臨城縣契丹遣使耶律尚書拽刺梅里上表對於  
行在三月一日次真定府四月十四日發真定府二十  
二日次太原駐蹕於汾水東之行宮二十三日幸太原  
城四面按行營壘閱視攻具機石革筈梯衝器用所至  
皆下馬召諸將慰勞久之歸行宮詔諭劉繼元曰太原  
一方介于三晉有陶唐之舊俗有西河之遺風務稽勸  
分憂深思遠知去就之分為禮義之邦而乃誑誤閭閻  
淪胥塗炭北面稱臣於胡虜南向拒命於闕庭假息偷

安苟延歲月為計如此不亦謬歟今朕親御戎衣冀行  
天討靈旗所指虎旅爭先以王者時雨之師救比戶倒  
懸之急孤壘四絕奇兵各攻翦滅之期在於刻漏又念  
一城之內百姓何辜用推仁恕之心更諭安危之理繼  
元素懷明略合有遠圖當茲窮蹙之中必念通變之術  
先人宗社豈使絕於蒸嘗編戶生民豈令塗於原野比  
鄰之救何益駟馬之悔莫追事理較然所宜熟慮僅能  
翻然改過東身來降實亦富貴可期何止待以不死恃  
險與馬往戒實深大王小侯朕言不食在城文武官僚  
等忠純事主明哲保身懷思轉禍之言共定歸朝之計  
我有好爵與爾縻之苟執迷之不悛則追悔而無及審

躡

卷二十一

定良計以副朕懷傳詔至城下守裨者疑懼不敢受詔  
繼元不之知也二十四日夜漏未盡太宗幸太原城西  
督諸將麾兵發機石攻城先遣壯士數百教以太原乃選諸  
櫛劍使空中躍其身左右承之妙絕無比見者震怒會北  
戎遣使修貢賜宴便殿因出劍舞舞滿空戎使見之懼形於  
而及是每巡城耀武必令劍舞前導各呈其技賊眾乘  
色望帝破膽帝躬探甲冑犯矢石指揮其技賊眾乘  
時者帝曰將士爭先命於鋒鏑之下朕豈忍坐觀士卒  
聞之甲文射其勇集賊城如登毛絙之給士軍數萬列陳於  
頃刻而盡捕得生口萬餘隻聚而貯之帝聞笑曰此箭為  
錢易一隻凡得百餘萬隻聚而貯之帝聞笑曰此箭為  
我蓄也及二十六日幸諸寨親督諸將攻城二十七日  
夜漏未盡又幸連城諸洞命瀛州防禦使馬仁禹成州  
刺史慕容福超飛龍使白重貴八作使李繼昇分道率

卒攻城二十九日幸城西連城樓親督諸軍攻城甚危  
五月一日晚帝躬擐甲胄幸城西南隅督諸將急攻  
達曉而止陷其羊馬城生擒偽宣徽使范超斬於纛下  
四日幸城南賢衆攻城帝自草詔賜繼元曰繼元孤  
壘朝夕盪平朕憫萬姓之倒懸思一戎之底定蓋救焚  
拯溺之舉無佳兵樂戰之心特推寬大之恩爰示生全  
之路繼元素懷英氣當體朕懷恐於危蹙之中遽罹鋒  
鏑之禍奉父母之遺體當如是耶此非男子之見也日  
前或繕戈甲敢抗王師及至討除悉皆釋放昨者越王  
吳王獻地歸明或授以大藩或列於上將臣僚子弟皆  
享官封繼元但速歸降必保終始富貴先人之祭祀不

絕一城之生聚獲全安危兩途爾宜決擇故茲詔示當  
悉至懷五日諸將急攻士卒奮起乘城矢石交發梯衝  
並進城欲懷士氣不可遏帶恐屠其城因麾衆稍退是  
夜繼元遣僞客省使李勲上表納款賜襲衣金帶銀器  
綿絲鞍馬命通事舍人薛文寶齎詔入城宣諭繼元曰  
卿聿承世業據有并門與我國家本無仇怨屬中原之  
多故遂王祭之闕供致干戈之日尋使生靈之塗地朕  
君臨區寓子育蒸黎豈是三晉之邦未歸於封略一方  
之俗尚隔於照臨是用親御六師冀行天討以神武而  
不殺欲比屋之來蘇當茲危迫之中能定變通之計上  
表待罪束身請降益彰君子之見機實救生民之焚首

嘉茲効順副我好生從前懋尤並與洗滌待以優禮蓋  
有彝章方示信於萬邦必延賞於十世諒卿明昭深識  
朕懷是夜幸太原城北張樂宴從官於城臺受繼元之  
降御製平晉賦及五七言詩令從臣繼作十八日幸太  
原城北御河沙門樓遣使部居民盡徙於新城民既出  
即命縱火萬炬皆發官寺民舍一日俱燼以行在所為  
佛寺賜號平晉御製平晉記刻於石 六月七日詔發  
兗鄆齊魏貝博滄鎮冀邢滋洺德易定祁瀛莫雄霸深  
趙等州及乾寧保寨等軍芻粟赴北面行營分遣使督  
之將有事於幽薊也十九日次金臺頓北戎據有之地  
也募其民能為鄉導者百人人賜錢二千二十日帝躬



探甲冑率兵次東易州州戎人之所立也僞刺史劉宇  
率官吏開門迎王師乞降賜衣服錢帛慰撫之留兵千  
人守焉二十三日未明次幽州城南契丹衆萬餘屯於  
地北帝親率兵乘之斬首千餘級餘黨遁去契丹渤海  
兵三百餘人范陽軍民二百餘人來降二十五日命諸  
將分兵攻城定國軍節度宋延渥部南面尚食使侯昭  
愿副之河陽節度崔彥進北面供奉官江守鈞副之  
彰信軍節度劉遇東面儀鸞副使王賓副之定武軍節  
度孟元詰西面閑廐副使張守明副之命宣徽南院使  
潘美知幽州行府度支判官奚嶼戶部判官杜載並為  
行府判官契丹鐵林都指揮使右廂主李札盧存以都

下兵百二十五人來降二十六日幸城北督諸將攻城  
村民獲戎馬三百餘疋來獻幽州本城神武廳直并鄉  
兵四萬餘人來降二十八日范陽鄉民百人相率以牛  
酒迎犒王師三十日帝乘步輦至城下督諸將攻幽州  
都內諸縣令左及鄉民一百五十人來降 七月三日  
契丹偽武雄軍節度使知順州劉廷素率官屬十四人  
來降五日偽節度使知薊州劉守恩與官屬十七人來  
降六日幸城西北隅督攻城七日詔班師二十八日車  
駕至自范陽先自帝平汾迴欲承勝取范陽諸將皆贊  
戎虜之至遂班師

是年十一月十日詔曰邊境多虞寇戎猶梗介冑之士

息肩未遑樽俎之儔折衝靡暇兩河之際列障相望烽  
火時至於近郊羽檄尚馳於絕塞是用大興戈甲遂殄  
氛靈昔者師人多寒楚子所以躬撫匈奴未滅漢武於  
是親巡蓋以慰虎旅之心破犬戎之膽雖在窮冬之候  
敢辭夙駕之辭朕取此月暫幸邊陲親撫士卒應經過  
頓合凡百費用悉以官物充所在不得輒有哀斂諸司  
須索非有勅命州縣不得供給馳道左右並不得排比  
香臺畫甕青繩欄竿等物鄰近州府長吏各司其局不  
得輒離本任來赴行在亦不得以貢奉為名輒有科率  
兩京留守司及諸州起居表疏並附廐置以聞十三日  
車駕發京師十四日關南言破契丹萬餘衆斬首三千

餘級翌日從臣詣行宮稱賀十九日駐蹕大名府雄州  
言戎虜皆遁邊侯徹警從臣稱賀十二月十六日車駕  
至大名 雍熙三年正月詔幽州吏民曰朕祇膺景命  
光宅中區右蜀全吳盡在提封之內東漸西被咸歸覆  
育之中常令萬物以由庾每恥一夫之不獲睦此北燕  
之地本為中國之民晉漢以來戎夷竊據迄今不復垂  
五十年國家化被華夷恩覃動植豈可使幽燕與壤猶  
為被髮之鄉冠帶遺民尚雜茹毛之俗爰興師律以正  
封疆拯溺救焚聿從於民望執訊獲醜即震於皇威凡  
爾衆多宜體此意今遣行營前軍都總管曹彬副總管  
崔秀進等推鋒直進振旅長驅朕當續御戎車親臨冠

境徑指西樓之地盡焚老之之庭灌燭火之微寧勞巨  
浸折春蠶之股豈待隆車應大軍入界百姓倍加安撫  
不得誤有傷殺及發掘墳墓焚燒廬舍斬伐桑棗虜掠  
人畜犯者並當處斬應收復城邑文武官吏皆依舊任  
候平幽州日別加擢用若有議機知變因事建功以節  
度防禦團練刺史州降者即以本任授之仍加優賞軍  
鎮城邑亦如之鄉縣戶民候平定日除二稅外無名科  
率並當除放凡在衆庶當體朕懷會岐溝關敗績遂罷  
親征 真宗咸平二年十二月二日詔曰朕惟念遠圖  
冀寧中夏而引弓之俗尚恣貪婪侵軼我邊防繹騷我  
黎庶是用當食而歎投袂以興整七年之師幸兩河之

壤蓋所以慰編氓之徬徨無戎士之多寒朕今月五日  
暫幸河北應經過頓舍凡百費用悉從官給所在不得  
輒有率斂諸司須索非勅命州縣不得供億兩京諸州  
表章附驛以聞五日車駕進發真宗駐蹕澶州十三日  
賜輔臣甲冑弓劍十四日次德靖軍十五日以扈從軍  
衛列為行陣真宗躬御鎧甲於中軍諸王樞密等介冑  
以從命王顯宋湜分押後軍東西縣亘數十里旌旗滿  
野部伍嚴整次天雄軍十七日詔曰朕奄宅中宇茂育  
羣生眷全魏之部封罹寇戎之侵軼念茲瘡痛惕然疚  
懷爰整師徒聿來巡幸冀而蒸庶咸遂撫寧應驚擾流  
移人戶詔到日各復本業當別行優恤仍委所屬州縣

倍加安撫命屯田郎中李蟠比部員外郎孟元振虞部  
員外郎史館檢討董元亨秘書丞李易直殿許洞中丞  
宋革太子中舍耿忠明祕書郎董翺齋詔馳往邢洺邢  
趙雄霸貝冀諸州帝謂之曰汝等此行可遍詣閭里諭  
以朕已至此速令復業無或流散 三年正月十二日

高陽關貝冀州路都總管范廷召遣寄班待禁郭筠入  
奏今月十九日領兵追契丹至莫州東三十里大破之  
斬首萬餘級所虜老幼數萬鞍馬兵仗不可勝紀餘寇  
遁逃出境宰臣率百官稱賀帝作喜聞捷奏五七言詩  
二首題於行宮之壁命近臣館閣屬和二十二日車駕  
至自天雄軍 六年以契丹入寇將議親征七月十五

日先命司封郎中樂崇吉自京至鎮定檢視行宮頓遞  
景德元年九月帝謂輔臣曰國家重兵多在河北不  
乘此時決勝則邊防之憂未已朕決策親征卿等共議  
何時可行宰臣畢士安等曰陛下已命將出師委任責  
成必立功効如欲親征宜駐澶淵就便處事然城郭非  
廣兵難久聚況冬候猶遠順動之事更望深圖寇準曰  
大兵在外須勞聖駕暫幸澶州進發之期不可稽緩知  
樞密院王繼英等曰犬戎舉國入寇朝廷必期決勝所  
宜順動以壯兵威仍督諸路進軍臨事得以裁制然將  
來駐蹕不可更越澶州庶不虧慎重所議進發尤宜緩  
圖若速至彼勢難久留乃詔士安等各述所見具狀以



聞而帝決意親征 十一月二十日車駕發京師二十  
二日次韋城縣命知滑州張秉知齊州馮應昌知濮州  
張晟往來河上部丁夫鑿冰以防戎馬之渡二十四日  
晨發極寒左右進貂帽毳裘帝曰臣下皆冒寒朕不  
須此卻而不御次衛南北戎遣使致書乞和帝謂宰臣  
曰戎人雖有善意國家以安民息戰為念固已詳之然  
彼尚率腥羶深入吾土又河冰已合戎馬可渡亦宜過  
為之備朕已決成算親勵全師況狄人貪婪不顧德義  
若盟約之際別有邀求當決於一戰殄茲醜虜上天景  
靈諒必助順可再督諸路將帥速會駕前仍命陳堯叟  
乘傳赴澶州北寨密諭將帥整飭戎容以便宜從事二

十五日給隨駕諸軍介冑內出陣圖二一行一止付殿前都指揮使高瓊等駕前東西路都排陣使李繼隆等遣人入奏戎寇過天雄軍以德清軍無備乘虛而入二十四日率衆至澶州城北直犯大軍圍合三面輕騎由西北隅突進大軍既成列戎騎止而不進臣等分伏勁弩控其要害有戎帥號先鋒統軍順國王捷覽者異其旗幟方出行軍伏弩齊發矢中捷覽額而斃戎人數千百輩競前與曳而去戎師悉遁至夕分遣伺察戎人漸北但時令輕騎來窺大軍二十六日車駕將前進李繼隆等言諸軍並集澶州北城間巷湫隘望且於南城駐蹕從之是日次澶州南城以驛舍為行宮遣使赴北州

部分兵甲闢除城中是夕帝步輦渡河幸北寨御北門樓覽觀營壁召見李繼隆以下諸將慰撫久之賜諸軍酒食給錢十二月四日幸北寨歷覽營柵詔東京官吏將校僧道軍民等曰昨駕前大軍頓澶州城北前月二十四日蕃賊忽來奔衝尋量出軍馬當時殺退今月一日據德博州各遣人入奏蕃賊已移寨逃巡東北而去三日又有從賊寨走來百姓石興等稱蕃賊已奔逃北去又北面都總管王起等遣借職張禹吉殿侍劉潛走馬入奏部領大軍相次至駕前會合鄆齊濮等州巡檢使丁謂奏部到細作稱賊界遣百餘人過來河南虛稱言詞扇搖人戶朕以虜寇犯邊生靈是念親提銳旅直

抵澶淵大軍合勢以南來凶醜應時而遁去如聞姦詐  
妄有動搖宜命近臣往宣事實親茲軍靜勿復驚疑朕  
俟安撫軍民即還京闕今特命給事中呂祐之齎勅榜  
撫諭西京亦依此降下東京留守雍王元份等上表稱  
賀七日命右正言知制誥陳堯咨虞部員外郎兼侍御  
史知雜事李溶安撫河陽懷衛澤潞等州都官員外郎  
王礪祕書丞許洞安撫開封府界滑鄭等州以戎人遁  
去告諭閭里所至攷強壯歸農八日遣侍御史高貽慶  
三司戶部判官屯田員外郎郝太冲殿中丞通判天雄  
軍周漸國子博士知天雄軍節度判官張紳分詣河北  
諸州軍招撫人民悉令歸業羣盜結集未擒獲者移牒

督官吏討逐仍招誘首身暴露骸骨令逐處埋瘞祭奠  
許北戎請和遂班師十九日車駕至自澶州 欽宗靖  
康元年正月三日詔曰朕以全國渝盟藥師叛命侵軼  
邊鄙劫掠吏民雖在纘成之初敢忘付託之重事非獲  
已師實有名已戒六師躬行天討應親征合行事件令  
有司並依真宗皇帝幸澶淵故事 四日募武舉及第  
有材武方畧或有戰功曾經戰陣及經邊任大小使臣  
不以罪犯已叙未叙及武學有方畧智謀及曾充弓馬  
所子弟及諸色有膽勇敢戰之人並許赴親征行營司  
高宗建炎元年七月十三日詔曰祖宗都汴垂二百年  
天下久安重熙累洽未嘗稍有變故承平之久超軼漢

唐比年以來圖慮弗臧禍生所忽金人一歲之間再犯  
都城信其詐謀終墮賊計肆朕纂承永念先烈顧瞻宮  
室何以為懷是用權時之宜法古巡狩駐蹕近甸號召  
軍馬以防金人秋高氣寒再來入寇朕將親督六師以  
援京城及河北河東諸路與之決戰已詔迎奉元祐太  
后津遣六宮及衛士家屬置之東南朕與羣臣將士獨  
留中原以為爾京城及萬方百姓請命于皇天庶幾天  
意昭荅中國之勢寔彊歸宅故都還迎二聖以稱朕夙  
夜憂勤之意應在京屯兵聚糧修治樓櫓器具並令留  
守司京城所戶部疾速措置施行咨爾士大夫軍民體  
朕至懷無有疑慮 三年十一月二十三日詔曰國家

自遭金人侵逼無歲無兵朕纂承以來深軫念慮謂父兄在難而吾民未撫不欲使之陷於鋒鏑故包羞忍恥為退避之謀冀其逞志而歸稍得休息自南京移淮甸自淮甸移建康自建康移會稽播遷之遠極於海隅卑詞厚禮遣使相望以至願去尊稱甘心貶屈請用正朔比於藩臣在建康則遣洪皓崔縱杜時亮在平江則遣張邵其為書旨無不曲盡哀祈假使金石無情亦當少動近探報金人一項於和州欲渡米石一項於黃州渡兵已至興國軍界是朕累年卑屈拳拳哀祈者卒未見從生民嗷嗷何時寧息今諸路兵聚於淞江之間朕不憚親行據其要會如金人尚容朕為汝兵民之主則朕

於事天之禮敢有不恭或必欲窺我行在傾我宗社塗炭生靈竭取東南金帛子女則朕亦何愛一身不臨行陣以踐前言以死保羣生朕已取十一月二十五日移蹕前去淞西為迎敵之計惟我將士人民念國家涵養之恩二聖拘縻之辱悼殺戮焚殘之禍與其束手待斃曷若并計合謀同心戮力奮勵而前以存國家故茲詔示想宜知悉 紹興四年十一月一日宰臣趙鼎等進呈韓世忠奏報蕃偽賊馬自淮陽軍犯楚州上曰朕為二聖在遠及天下生靈久罹塗炭屈已請和而黠虜貪恠不已復肆侵凌朕當親總六師往臨大江決於一戰遂詔先遣張俊統率所部馬軍前去應援韓世忠及令



劉光世移軍建康 六年八月九日詔曰迺者彊敵亂  
常阻兵猾夏兩宮北狩六馭南巡霜露十年關河萬里  
朕為人之子而鷄鳴之間不至為人之弟而鵠原之難  
不聞眷言臣子之心誰無父兄之念而又干戈未息疆  
場多虞遣戍經時不離甲冑飛芻越險久棄室家爾則  
効忠朕寧不愧是用當饋授已未明求衣弗辭馬上之  
勞以便軍中之務若投機制勝朕將親撫於六師若蓄  
銳待時朕則輯和於百姓且黃帝以車為衛豈不知九  
重之安漢文按轡而行豈不知四體之逸蓋國家急先  
務者况禍難至於此乎天實臨之民亦勞止諒彼同舟  
之衆知吾發軔之情咨爾有官各揚其職布告中外悉

使聞知 七年正月一日詔曰朕獲奉丕圖行將一紀  
每念多故惕然于心昨以盛秋載親戎乘露蓋于野率  
示四方屬叛逆之來侵幸以時而克定重念兩宮征駕  
未還於殊俗列聖陵寢高隔於妖氛黎元多艱兵革靡  
息永惟厥咎在于一人其敢即安彌志大業思鼓士氣  
以恢遠猷惟黃帝以上聖之君無常居之邑周王當平  
治之日有于邁之師朕於斯時敢替前軌將乘春律往  
臨大江駐蹕建康以察天意播告遐邇俾迪朕懷 三  
十一年九月二十九日詔金虜無厭背盟失信軍馬已  
犯川界今茲率精兵百萬躬行天討於是內出手詔曰  
朕履運中微遭家多難八陵廢祀可勝抔土之悲二帝

蒙塵莫贖終天之痛皇族尚淪於沙漠神京猶汚於腥  
羶銜恨何窮待時而動未免屈身而事小庶幾通好以  
弭兵屬戎虜之無厭曾信盟之弗顧怙其篡奪之惡濟  
以貪殘之兇流毒徧於華夷視民幾於草芥赤地千里  
謂暴虐爲無傷蒼天九重以高明爲可侮輒因賀使公  
肆謾言指求將相之臣坐索漢淮之壤吠堯之犬謂秦  
無人朕姑務於含容彼尚飾其姦詐嘯厥醜類驅吾善  
良妖氛寢結於中原烽火遂交於蜀道皆朕威不足以  
震疊德不足以綏懷負爾萬邦于今三紀撫心自悼流  
涕無從方將躬縞素以啟行率纓絰而薄伐取細柳勞  
軍之制考澶淵卻狄之規詔旨未頒歡聲四起歲星臨

於吳分冀成泥水之勲關士倍於晉師當決韓原之勝  
尚賴股肱爪牙之士文武小大之臣戮力一心捐軀報  
國共雪侵陵之恥各肩恢復之圖播告遐邇明知朕意  
又詔契丹與我為二百年兄弟之國頃緣姦臣誤國招  
致女真彼此皆被其毒朕既移蹕江南而遼家亦遠徙  
漠北相去萬里音信不通天亡北虜使自送死朕提兵  
百萬收復中原惟大遼豪傑忠義之人亦宜協力乘勢  
殲厥渠魁報耶律之深讎將來事定通好如初 命  
璘為陝西河東路招討使劉琦為京畿淮北京東路河  
北東路招討使成閔為京西路河北西路招討使楊存  
忠為御營宿衛使主管馬軍司公事成閔兼鎮江府駐

割御前諸軍都統制淮南東路制置使東京西路河北  
東路淮北泗宿州招討使李顯忠為淮南西路制置使  
京畿河北西路淮北壽亳州招討使依前建康府駐劄  
御前諸軍都統制吳拱為湖北京西路制置使京西北  
路招討使依前鄂州駐劄御前諸軍都統制 十二月  
五日詔曰朕以逆亮逾盟侵犯王略肆頒詔旨躬往視  
師久已戒嚴屬茲進發凡遠邇股肱之郡小大文武之  
臣宜體朕心各揚爾職毋縱姦宄毋虐善良毋事征求  
毋擾獄市內則輯寧於封部外則式遏於寇攘共濟大  
勲永底丕乂 十日車駕自臨安府進發視師次臨平  
鎮十一日次秀州崇德縣十二日次秀州十三日次平

望十四日次平江府姑蘇館十五日自姑蘇館乘馬次  
平江府行宮殿十六日次無錫縣十七日次常州荆溪  
館十八日次呂城十九日次丹陽縣二十日次丹陽館  
二十一日次鎮江府自丹陽館乘馬至鎮江府行宮殿  
三十二年正月三日車駕自鎮江府出陸乘馬次下  
蜀鎮四日次東陽鎮五日次建康府大內下馬入宮  
二十一日詔比者視師江上虜騎遁去兩淮無警已委  
重臣統獲諸將一面經畫進討今暫還臨安府奉恭文  
順德仁孝皇帝祔廟之禮重惟建康形勢之地宜令有  
司增修百官吏舍諸軍營寨以備往來巡幸應諸軍合  
行推賞除立功人別行推恩外應扈衛人令御營宿衛

司出戍暴露人令主帥往來道路勞役人令成閤各開  
具的實人數保明聞奏 二月六日車駕自建康出陸  
進發次東陽鎮七日次下蜀鎮八日次丹陽館九日次  
丹陽縣十日次呂城縣十一日次常州荆溪館十二日  
次無錫縣十三日次平江府十四日次平望十五日次  
秀州北門外十六日次崇德縣十七日次臨平鎮十八  
日次臨安府餘杭門外稅務亭御幄乘馬入餘杭門至  
祥曦殿上降馬入宮 孝宗隆興元年五月二十五日  
詔親征可令有司排辦候秋涼擇日進發 詔曰朕惕  
膺睿訓祇適災圖永惟國步之艱越在海隅之阻間者  
亟馳於使駟庶幾少戢於兵鋒而邊候屢驚敵情未革

既搖蕩於秦隴復窺伺於荆襄念億萬姓之黎民久遭  
殘虐慨二百年之陵寢莫獲薦陳爰奮勵於諸軍比肅  
清於舊壤靡待前業之警備將臨細柳以勞師副上皇  
與子之心櫛列聖在天之憤肆諏龜筮躬御戎車眷言  
清蹕之初申飭攸同之衆各揚乃職明聽朕言毋徭役  
以煩民毋誅求以利下佇成嘉績迄底丕平咨爾內外  
咸體至懷 六月十四日中書門下省言近降指揮候  
秋涼擇日巡幸已差楊存中充御營使詔令楊存中先  
次起發往建康府措置營寨并點檢沿江一帶守備事  
務 十八日臣僚言伏覩視師之詔既頒沿路州軍日  
聽警蹕財計事務與防邊之備分而為二用志不專深



為可憂乞明諭州縣展巡幸之期別聽指揮仍令專一措置邊防事務庶得內外協心軍旅整肅從之二十五日右諫議大夫王大寶論及移蹕上曰吾欲亟行大寶云今日之勢似未可請少寬歲月二年十一月五日詔曰朕奉慈訓嗣有基業永念祖宗陵寢朝獻路絕黎元塗炭屯戍未休朕為人之後而不能報上世之憤為人之君而不能拯斯民之厄故食不知味寢不安枕未嘗以尊位為樂也特以戰爭之役肝腦塗地不忍南北之人枉罹非命自即位以來兩發騁使冀尋舊盟而隣帥主兵及境弗納迫行人再往始則立式邀求繼則迫脅囚辱朕以兵隙難開隱忍自屈仍遣魏杞銜命復行

不較禮文書辭屢易不愛四郡割以奉之乃渝元約又  
求商州且索臨陣係虜之人是其更變無厭必欲尋釁  
初無休兵結驩之意今使命逗遛議論不決積粟出船  
包藏罔測朕重違太上聖意而宰輔羣臣前後屢請已  
盡依初式再換國書歲幣成數亦如其議在我可從無  
一顧惜若彼堅欲商秦之地俘降之人則朕有以國斃  
不能從也懼或不諧前去至於交兵天實臨之非朕得  
已想彼兵民厭其黠武亦當嗟怨況我將校六師受國  
家爵祿之久忠義所激自應奮勇捐軀為國雪恥夫立  
非常之事彰無窮之名醜賞厚賜朕不敢吝嗚呼兵凶  
器也朕既無德以修二國之睦又無威以寢敵人之謀

時當三冬而使軍士有暴露之艱人民有轉輸之勞害  
貽爾衆痛在朕躬凡百臣子當念興師用衆匪朕本心  
我直彼曲動則有辭共輸報國之忠永饗安居之樂

十六日詔朕當擇日親征視師所過務從節省並不得  
有所騷擾詔向者虜帥移書執復欲議和朕以生靈之  
故不憚屈己苟可以休兵息民者一無所吝而虜情變  
詐意有包藏遣使在途興師壓境侵撓淮甸虔劉吏民  
曲直甚明神人共憤朕當擇日親往視師所過務從省  
節並不得有所騷擾 乾道八年八月七日宰執進呈  
周操奏曰陛下天錫勇智如商成湯不能鬱鬱久居漢  
中如漢高祖恢復之計久存聖抱然而帝王之勝出於

萬全章聖皇帝澶淵之役最為盛德大業當時議者猶  
有付乾坤一擲之語陛下審而又審萬全而後舉宗社  
生靈之幸上曰甚是

大典卷七十九百九十九

宋會要

討叛一

李筠李重進周保權平蜀平廣南  
平江南平太原

李筠

太祖建隆元年四月以昭義軍節度使李筠叛

命侍衛親軍副都指揮使歸德軍節度使石守信殿前

副都點檢義成軍節度使高懷德率諸軍進討五月二

日又命宣徽南院使各居潤赴澶州巡警詔殿前都點

檢昭化軍節度使慕容延釗彰德軍節度觀察留後王

全斌由東路會兵進討前德州刺史曹翰前耀州刺史

張暉並充行營濠寨使其月石守信敗李筠軍於長平

斬首三千餘級拔大會寨十九日命侍衛親軍都指揮

使天平軍節度使韓令坤率兵屯河陽石守信高懷德

又破筠衆三萬於澤州獲偽河陽節度使范守圖降河

東援軍數千皆殺之

初筠送款於河東劉鈞及王師至筠求援於鈞鈞遣守國等赴之故

并獲馬筠遁入澤州及車駕親征遂平之

李重進

太祖建隆元年九月

以淮南節度使李重進叛又命石守信為揚州行營都

總管兼知揚州行府事殿前都指揮使義成軍節度使

王審琦副之宣徽北院使李處耘客省使潘美並為都

監保信軍節度使宋延渥為排陣使統侍衛諸軍討之

周保權 太祖建隆四年武陵周行逢偽命衡州刺

史張文表舉兵攻潭州行逢子保權初嗣立乞師於朝

廷以為救援正月七日詔以山南東道節度使慕容延

釗為湖南行營都總管宣徽南院使李處耘為都監率

兵討之又以申州刺史聶章為壕寨使遣內酒坊副使

盧懷忠、趙毖使張繼勲、染院副使康仁澤領步騎數千赴之分命使臣十一人發安復、郢、陳、澶、孟、宋、毫、潁、光等州兵會襄陽以判四方館事武懷節為行營戰掉都監、郢州刺史趙重進為先鋒都監。八日以淄州刺史尹崇珂為行營馬軍都指揮使師至荊門保權已擒文表赦之。二月十一日王師入荊南高繼沖請舉族歸朝。時王師路出荊渚繼沖即日迎延釗入城聽命。自是江陵數郡皆平。三月二十六日克武陵。初保權既赦張文表復謀拒命故王師鼓行而前大破其軍於澧州乘勝入其城保權遁匿于溪洞由是盡有湖湘之故地。九月二十七日慕容延釗獲賊將汪端詔磔於武陵。

時廣南劉鋹數寇桂陽江華乾德二年漳州防禦使潘美與武陵團練使尹崇珂西南面都監引進使丁德裕衡州刺史張繼勳同率兵收復郴州即詔以繼勳為郴州刺史平蜀太祖乾德二年十一月詔曰朕奄宅萬邦於茲五稔陳師鞠旅出必有名伐罪弔民動非獲已曠惟邛蜀久限化風舞階詎識於懷柔于紀自貽於禍豐近擒獲西川偽樞密院大使程官孫遇等三人搜得孟昶與河東劉鈞蠟書潛相表裏欲起寇戎致姦謀之自彰蓋天道之助順將定一方之亂難稽六月之師爰命將臣俾正戎律建靈旗而遠指授成算以徂征言念坤維久沉汚俗既為民而除害必俟后以來蘇式清



全蜀之封止正渠魁之罪況西川將校多是北人所宜  
翻然改圖轉禍為福苟執迷而不復雖後悔以難追如  
能引導王師供饋軍食率衆歸順舉城來降咸推不次  
之恩用啟自新之路重念征行之際宜申約束之文以  
戒師徒務遵法令不得燔盪廬舍毆畧吏民開發丘墳  
翦伐桑柘共體救焚之意以成不陣之功凡彼蒸黎勿  
懷憂慮故茲詔示知朕意焉以忠武軍節度使王全斌  
為西川行營前軍兵馬都總管武信軍節度使侍衛步  
軍都指揮使崔彥進副之樞密副使王仁贍為都監龍  
捷右廂都指揮使史延德為行營馬軍都指揮使虎捷  
右廂都指揮使張萬友為步軍都指揮使隴州防禦使

張凝為先鋒都指揮使左神武大將軍王繼濟為濠寨使內染院使康延澤為馬軍都監翰林副使張煦為步軍都監供奉官田仁明為壕寨都監自全斌而下率禁軍步騎二萬諸道州兵一萬由鳳州路進討以治事中沈義倫為隨軍水陸轉運使又以寧江軍節度使侍衛馬軍都指揮使劉光義為西川行營前軍兵馬副總管內客省使兼樞密承旨曹彬為都監客省使武懷節為前軍戰棹總管龍捷左廂都指揮使張廷翰為行營馬軍都指揮使虎捷左廂都指揮使李進卿為步軍都指揮使前階州刺史高彥暉為先鋒都指揮使右衛將軍白廷誨為壕寨使御廚副使米光緒為馬軍都監儀鸞

副使折彥贊為步軍都監八作副使王令巖為先鋒都監供奉官郝守濬為壕寨都監馬步軍都軍頭楊光美為戰棹左右廂都指揮使自光義而下率禁兵步騎一萬諸道州兵一萬由歸州路進討以均州刺史曹翺為西南面水陸諸州轉運使仍鑄印以賜之太祖召全斌等示川峽地圖授以方畧仍令所至之處以前詔告諭偽將吏軍民十二月全斌等收復乾渠渡萬仞燕子二寨下興州偽刺史藍思綰退保西縣敗蜀軍七千人獲軍糧四十餘萬石乘勝連拔石圖魚關白水閣二十餘寨二十八日詔曰命將出師指期殄寇今所向皆下捷音繼來方乘破竹之功更示戢兵之令如聞收復州縣

其偽命軍員兵士或旁投山林或散匿民舍俾安疑懼  
特用招懷詔到限一月許於逐處首身更不問罪是月  
史延德等進軍至三泉寨敗蜀軍數萬人生獲偽招討  
使山南節度使韓保正副使洋州節度使李進等又獲  
軍糧三十餘萬石三年正月劉光義等收復三會岵山  
等寨赦偽將南光海等五千餘人生擒戰權都指揮使  
渝州刺史索德宏等千二百人奪戰艦二百餘艘又赦  
水軍三千人又拔夔州偽節度使高彥疇縱火自焚初  
光義等將行帝以地圖示之指夔州鎖江處謂光義等  
曰至此我軍汴流而上慎勿以舟師爭先當以步騎陸  
行出其不意而擊之候其稍却即以戰權夾攻取之必

矣及捷奏至帝問其狀果如所料詔蜀中偽將士死  
於兵及暴露原野者所在郡縣速收瘞之又詔行營兵  
士戰陣被傷者等第給以緡帛八日詔行營馬步軍兵  
士及諸道義軍所經之處長吏以牛酒犒之王全斌等  
拔利州得軍糧八十萬石崔彥進康延澤等逐蜀軍過  
三泉敘戮虜獲其衆遂至嘉川進擊金山寨又破小漫  
天寨至深渡蜀人依江列陣以待我師彥進遣張萬友  
等擊之奪其橋會天暮蜀人退保大漫天寨詰朝彥進  
萬友與康延澤分兵三道擊之蜀人悉以精銳來拒又  
大破其衆乘勝奪其寨擒寨主王審超監軍趙崇渥又  
獲三泉監軍劉延祚蜀將王昭遠引兵來救遇我師三

戰三敗追至利州北昭遠遁去渡桔柏江焚浮橋退守

劍門王師遂入利州先是既至嘉川會蜀人斷閣道未得進王全斌議欲取羅川路入康

延澤謂房進曰羅川路險軍士難進不如督修閣道取大路与全斌會於深波房進然之不數日間道成遂進

軍王全斌等收復劍州救蜀軍萬餘人生擒偽都統都

監通奏使知樞密院事山南節度使王昭遠左衛聖馬

步軍都指揮使前洋州節度使趙崇韜先是王師發

利州至益光全斌會諸將令各陳進取之計侍衛軍頭

向韜曰得降卒年進言益光江東越大山數重有小路

名來蘇蜀人於江西置寨對岸有渡路出劍閣南二十

里至青驢界與大路合可於此進兵則劍門之險不足

恃也全斌等即全領兵赴之康延澤曰來蘇細路無煩

主帥自往且蜀人自與官軍相遇數戰數敗今聞併兵  
守劔門不如諸帥協力攻取命偏將超來蘇若達青疆  
北擊劔關與大兵夾攻破之必矣全斌等然之遂命史  
延德等分兵超來蘇起浮橋於江上蜀人見橋成棄寨  
而遁昭遠聞延德至青疆即引兵陣於漢源坡上留偏  
將守劔門全斌等以銳兵直擊遂破之昭遠崇韜皆遁  
走全斌遣追之悉生致焉 劉光義等收復萬施開忠  
四郡至遂州偽知州少府少監陳愈率其將吏出降光  
義即日入城安撫盡出府庫錢帛以給軍士 初諸將  
辭帝謂曰所破郡縣當傾帑藏為朕賞戰士國家所取  
惟土疆爾故人皆効命所至成功如席卷之易 既而

王全斌領兵至魏城蜀主孟昶遣通奏使審證持表詣  
軍門請降全斌令康延澤領騎兵百人入成都府安撫  
遣通事舍人田欽祚馳騎入奏以昶表來上詔答之又  
賜西川將吏百姓詔諭焉是月王全斌等殺蜀軍二萬  
餘人於成都夾城中四月一日詔孟昶先代墳塋令西  
川行營將校禁約軍民不得侵毀所屬田園並蠲常賦  
仍令每歲官給粟帛充其時饗川峽西路有偽蜀兵亡  
命者委王全斌劉光義廩食其家仍加安撫 平廣南  
太祖開寶三年九月八日以潭州防禦使潘美為賀  
州道行營兵馬都總管武陵團練使尹崇珂副之就命  
道州刺史王繼勳為行營馬軍都監仍遣使十餘人發



諸州兵赴賀州始用師於嶺表也

先是廣劉鋹為政昏暴民皆苦之數舉兵

來寇道州刺史王繼勳上言請討之帝初為舍客詔江南李煜致書諭令歸款鋹不聽故命美征討之

十

月潘美等克賀州十一月下桂昭連三州敗廣南軍萬

人殺獲甚衆遂下韶州四年收英雄二州二月潘美

遣人部送廣南偽命左僕射蕭濯中書舍人卓惟休赴

闕以銀表來上遂克廣州擒劉鋹平江南太祖開

寶七年九月十八日命潁州團練使曹翰率征南之師

先赴荆南二十一日命宣徽南院使義成軍節度使曹

彬侍衛馬軍都虞侯李漢瓊賀州刺史判四方館事田

欽祚同率軍赴荆南領戰棹緣江而下二十二日又命

山南東道節度使潘美侍衛步軍都虞侯劉遇東上閤

門使梁迴領軍赴荆南十月二十三日以吳越國王錢  
俶為昇州東南面行營招撫制置使仍賜戰馬二百疋  
三十日以曹彬為昇州西南路行營馬步軍戰棹都總  
管潘美為都監曹翰為先鋒都指揮使閏十月曹彬等  
收峽口寨殺江南軍八百餘人生擒二百七十人獲池  
州牙內指揮使王仁震指揮使王晏副指揮使錢興遠  
克池州又敗江南軍七千餘人於銅陵生擒八百人獲  
戰艦二百餘艘連拔蕪湖當塗二縣駐軍於采石磯是  
李煜外示恭順內懷觀望及遣李穆詣古召赴闕果稱  
疾不朝而元善城壘教習戰艦為自固之計帝怒命彬  
等與兵進討既而捷音十一月又敗江南軍二萬餘衆  
繼至中外莫不稱慶於采石磯生擒偽兵馬副總管龍驤都虞侯楊收兵馬

都監穩毯副使孫震等獲馬三百餘匹江表本無戰騎  
先是朝廷每歲賜與數百匹至是驅為前鋒以扞王師  
及獲之驗印記皆前所賜者 先時於大江造浮梁至

是始成命前汝州防禦使陸萬友往守之

先是江南布衣樊若水嘗

漁於采石磯以小舟載絲絕維南岸疾擢至北岸以度江之廣狹遂請開獻策請造舟為梁以濟師帝命高品石全振往荆湘造黃黑龍船數千艘又以大艦載巨竹絕自荆南而下及命曹彬等出師乃遣人作使都守濟事率丁夫營之議者以為自古未有浮梁渡大江者恐不能就是至先試於石碑口造之移置采石磯三日而橋成由是大軍長彬等又敗江南軍數千人於新林寨

獲樓船戰權三十餘艘十二月又敗江南軍五千餘人

於白鷺洲生擒一百三十人 八年正月又敗江南軍

於新林港口斬首三千級獲戰船六十餘艘吳越王錢

倣拔常州利城寨敗江南軍生擒二百五十人馬八十  
匹來獻又田欽祚敗江南軍萬餘人於溧水斬偽都統  
使李椎等曹彬等又敗其衆數千人於白鷺洲拔昇州  
闕城江南軍千餘人溺死守陴者遁入城三月又敗其  
衆於江中生擒五百人四月又敗其衆於秦淮北四月  
二十九日吳越國王錢俶遣越州觀察支使王通馳騎  
上言拔常州即以通為台州刺史六月曹彬又敗其軍  
二萬餘衆於昇州城下奪戰艦數十艘九月降潤州就  
命行營都監丁德裕常潤等州經畧巡檢使十月劉遇  
等破江南軍三萬餘衆於皖口生擒偽將朱令贇并戰  
權都虞侯王暉等獲戎器數萬事十一月又敗其軍五

千人於城下

先是彬等遣使以三寨攻城國來上帝視之指為美北寨謂使者曰此宜深溝自固

吳人必夜冠其壘而去令曹彬自督其役并力連戍

之不然而為其所乘矣彬等承命晝夜奮之繞畢吳人

果來寇美等環新溝以拒之吳人大敗悉如帝所料然

二十七日常彬等拔昇州擒偽國主李煜及其臣寮百

餘人江時詔諸軍虜得人口七歲已上官給絹人五足

收贖其七歲已下兒女並給付本主無得隱藏也 平

太原 太祖乾德二年二月命昭義軍節度使李繼勳

兵馬鈴轄康延沼馬步軍都軍頭尹訓率步騎萬餘攻

河東遼州偽將郝貴超領兵來援戰於城下貴超大敗

州城危蹙偽刺史杜延祐與偽拱衛都指揮使龔進兵

馬都監供奉官侯美舉城來降未幾并人誘契丹步騎

六萬來取遼州又遣繼勳與羅彥瓌郭進曹彬領六萬

衆赴之大敗契丹及太原軍於城下 六年八月十五日將有事於太原遣客省使盧懷忠等二十二人率禁軍赴潞州十七日以昭義軍節度使李繼勳為河東行營前軍都總管侍衛步軍都指揮使彰信軍節度使党進副之宣徽南院使義成軍節度使曹彬為都監 州防禦使何繼筠為先鋒總管懷州防禦使康延沼為都監建雄軍節度使趙贊為汾州路總管絳州防禦使司超副之隰州刺史李謙溥為都監又命殿中侍御史李瑩等十八人分往諸州調發軍糧赴太原是月繼勳等敗太原軍於洞過河 開寶二年二月又以趙贊為馬步軍都虞候洺州防禦使郭進為馬軍都指揮使司超

為步軍都指揮使統軍先赴太原

時將親征故先遣焉

十八日又

以彰德軍節度使韓重斌為北面都總管義武軍節度

使祁廷又副之三月五日以潁州團練使曹翰為河東

行營都壕寨使八作使王令巖副之李繼勳上言敗太

原軍於城下三十日置寨於城四面李繼勳軍於南趙

贊軍於西曹彬軍於北党進軍於東以脅之四月四日

遣海州刺史孫萬進率兵數千圍汾州以判四方館事

翟守素監其軍時并人恃契丹為援守陴者揚言虜旦

夕至矣會帝親征駐蹕晉陽召何繼筠授以方畧分精

騎數千赴石嶺關拒虜且約翌日亭午以俟捷奏至期

繼筠遣使馳騎上言敗契丹於陽曲斬首數千級擒偽

武州刺史王彥符以獻帝命以所獲首級及鎧甲示於城下并人由是喪氣俄詔罷兵 開寶九年八月十三日以侍衛馬軍都指揮使党進為河東道行營馬步軍總管宣徽北院使潘美為都監虎捷左右廂都指揮使楊光美行營馬步軍都虞候龍捷左第二軍都指揮使牛思進為先鋒都指揮使西京作坊副使米文義為都監八作使李繼昇為壕寨使供奉官梁銳為都監十七日以鎮州西山巡檢洺州防禦使郭進為河東道忻代等州行營馬步軍都監二十二日又遣使分兵入太原西上閣門使郝崇信解州刺史王政忠由汾州路內衣庫副使閻彥進澤州刺史齊超由沁州路內衣庫副使



孫晏宣濮州刺史安守忠由遼州路引進副使齊延琛  
晉隰等州巡檢汝州刺史穆彥璋由石州路洛苑副使  
侯美鎮州西山巡檢洺州防禦使郭進由忻代州路九  
月党進等敗太原軍數千人獲馬千餘匹郭進又破太  
原壽陽縣得民九千餘口又穆彥璋入太原境得民二  
千四百餘口党進復敗其軍千餘人於其城北會太祖  
上仙罷兵 太宗太平興國四年正月將有事於晉陽  
分遣常參官於諸州督軍糧芻茭命右監門衛率府率  
崔亮按行太原軍糧其月十二日命宣徽南院使潘美  
為北路都招討兼制置太原行府河陽節度使崔彥進  
為太原城東面洞子頭車濠寨使郢州防禦使尹龜為

都監馬軍副都軍頭朱守節為寨主供奉官史彥斌殿直段珣隨行濠寨相州節度使李漢瓊為南面洞子頭車濠寨使冀州刺史牛思進為都監馬步軍都軍頭楊進超為寨主殿直劉仁保王守信隨行濠寨桂州觀察使曹翰為西面洞子頭車濠寨使饒州防禦使杜彥圭為都監馬步副都軍頭孫繼鄴為寨主供奉官賀令圖張文正隨行濠寨曹州節度使劉遇為北面洞子頭車濠寨使光州刺史史圭為都監馬步軍都軍頭馮鐸為寨主殿直李睿承旨習彥斌隨行濠寨八作使郝守濟四面濠寨都監馬軍都虞候米信為行營馬軍都指揮使西上閤門使郭守文為都監侍衛親軍步軍都虞候

田重進為行營步軍都指揮使判四方館梁迥為都監  
命左贊善大夫張鑑祕書省校書郎郝鎔左武衛中郎  
將母克恭大理評事李煦分於邢貝洺澤四州督芻糧  
著作佐郎張潤之太原城下給納芻糧十三日命雲州  
觀察使郭進為太原石嶺關都總管西上閭門使田仁  
明閭門祇候供奉官劉緒為太原城四面壕寨都監提  
點頭車洞子殿直張守能城東面洞子監押供奉官吏  
彥瓊城南面洞子監押供奉官吏延廣城北洞子監押  
閭廐使武再興八作副使張峻閭門祇候供奉官董思  
愿城西面洞子監押供奉官吏斌城下招收都監

先是劉崇

負國不恭開寶中太祖親征圍守累月會歲暑班師太宗初即位謂齊王廷美曰太原我必當取之至是始謀

政討事具  
兵門中

二月二十七日命威勝軍使米文魯赴太原

頴曹翰麾下三月二日命鎮州馬步軍都監客省副使

齊延琛洛苑副使侯美分兵攻取孟縣八日分遣太子

中允扈革等十三人發安復唐鄧商坊徐宿充海密蔡

等州軍糧赴太原郭進攻破西龍門寨擒獲甚衆以俘

馘及鎧甲來獻

時麻痺真定

又命淄州刺史王貴六宅使何

繼隆攻沁州閭門祇侯王侯攻汾州知府州折御卿監

軍尹憲分兵攻嵐州郭進破契丹於關南四月一日嵐

州行營又破賊千餘衆詔發河南鄆濟博瀆

澤潞懷

汝同華魏及河中晉絳慈隰解齊德曹單淄衛等州軍

糧赴太原齊延琛降十四縣折御卿破岢嵐軍殺戮甚

衆擒僞軍使折令圖以獻隆州行營兵馬總管解暉破  
隆州殺賊兵三百餘人擒僞招討使李恂等六人以獻  
折御卿又破嵐州殺僞憲州刺史霍誦擒僞夔州節度  
使馬延忠七人以獻會車駕親征劉繼元降

契丹  
遼

討叛二 契丹大遼附 夏州 交州

太宗雍熙三年正月二十一日帝將北伐以天平軍  
節度使曹彬為幽州道行營前軍馬步水陸都總管河  
陽節度使崔彥進副之內容省使郭守文為都監日騎  
天武四廂都指揮使傅潛都為指揮使龍衛右廂都指  
揮使李延斌為馬軍都指揮使神衛左廂都指揮使馬  
正為步軍都指揮使濱州刺史盧漢贇為左廂排陣使  
萊州刺史楊重進為右廂馬步軍都軍頭范廷召充先

鋒指揮使田斌荆罕英策之文思使薛繼照為都監宮苑使李繼隆策之先州刺史陳廷山隰州刺史史珪為監押總管左神武軍將軍劉知信六宅使符昭壽為都監崇儀使賀令圖八作副使都守濬三濠寨侍衛親軍馬軍都指揮使彰化軍節度使米信為幽州西北道行營馬步軍都總管汾州觀察使杜彥圭副之蔚州觀察使趙延溥指揮使張紹引進副使董愿為都監亳州刺史蔡玉為排陣使馬步軍副都軍頭韓彥卿竇暉為先鋒都指揮使曹美帥軍翼之侍衛親軍步軍都指揮使靜難軍節度使田重進為定州路州路行營馬步軍都總管右衛大將軍吳元輔西上閤門使袁繼忠為都監

二十三日又以馬步軍都軍頭高瓊為樓櫓戰棹都指揮使崇儀副使張永徽安得祚分為左右廂都監二十八日詔幽州吏民北燕之地中國舊封晉漢以來戎夷竊據迄今不復垂五十年國家化被華夷恩覃動植豈可使幽燕輿壤猶為被髮之鄉冠帶遺民尚雜茹毛之俗爰興師律以正封疆拯溺救焚幸從於民望執訊獲醜即震於皇威凡爾衆多宜體茲意今遣行營前軍都總管曹彬副總管崔彥進等先往朕當續御戎軍親臨寇境應大軍入界百姓倍加安撫不得誤有傷殺及發掘墳墓燒廬舍斬伐桑棗虜掠人畜犯者並當處斬應收復城邑文武官吏皆依舊任俟平幽州日別加擢用



若有識機知變因事建功以節度防禦團練刺史州降者即以本任授之仍加優賞軍鎮城邑亦如之鄉縣戶民候平定日除二稅外無名科率並當除放二月八日以西上閤門使王侁右監門衛將軍侯莫陳利用並為并州駐泊都監十四日以忠武軍節度使潘美為雲應朔等州行營馬步軍都總管雲州觀察使楊業副之以王侁及軍器庫使順州團練使劉文裕為都監磁州團練使郭超為押陣都監

先是知雄州六宅使平州團練劉大福侯莫陳利用等相繼上言虜主年幼國事時次發母有大將韓德諫者以恩倖持推國人憤焉請因其驍取此薊故地帝信之遣兵三道入討曹彬崔彥進不信自雄州田重進自飛狐潘美楊業自鴈門約從齊舉

三月曹彬之師敗契丹於固安南斬首千餘級固安新

城降田重進又敗契丹于飛狐北斬首五百級潘美之

師自西涇入與契丹遇追之至于寰州斬首五百級偽

寰州刺史趙彥辛舉城降以為本州團練使曹彬之師又下涿

州潘美圍朔州偽節度副使趙希贊舉城降以為本州觀察使

田重進又敗契丹于飛狐北斬首千級俘七百人獲馬

畜千六百虜偽冀州防禦使西南面招安使大鵬翼康

州刺史馬顧馬軍指揮使何萬通獲銀牌一印五鈕以為

翼為右千牛衛將軍領平州刺史顧為右內率府率萬通補軍校鵬翼狀貌偉而勇健名聞邊塞至是擒獲戎

人喪曹彬之師敗契丹于涿州南斬首千級獲馬五百

疋潘美之師至應州偽節度副使艾正觀察判官宋雄

降以正為本州觀察使雄為鴻臚少卿舊例同知州田重進又圍飛狐偽武定

軍馬步軍都指揮使郢州防禦使呂行德副都指揮使  
張繼從馬軍都指揮使劉知進舉城降詔建其地為  
軍以行德為右驍衛將軍領順州防禦使繼從為右屯  
衛將軍領澶州刺史知進為左監門衛將軍師進圍

靈丘偽步軍都指揮使穆超舉城降

以超為右監門衛將軍

四月

潘美下雲州殺千人田重進又破契丹于飛狐斬首千  
級虜四百人曹彬朱信之師又破契丹于新城東斬首  
千級獲馬二百疋田重進大敗契丹于飛狐北梟首帥  
二人斬首千級獲馬三百匹師進至蔚州偽左右都押  
衙李存璋許彥欽大同軍營田使柴守榮馬步軍都軍  
頭柴嘉榮契丹酋帥蕭啜理及守卒千人執監城使偽

同州節度使耿紹忠舉城降 初王師入虜境緣邊要害之地多下之噉理紹忠懼皆不自安謀殺城下將吏盡率豪傑入虜國存璋等知其謀乃殺噉理等執紹忠而降紹忠父美為虜奉聖州節度使紹忠為衙內指揮使累厯偽命同州節度使同州在西樓南數百里紹忠弟紹雍為虜三司使紹忠方從虜主在遙樂河間王師入境以紹忠為蔚州監城使至是被執送到闕下帝責而貸之授右千牛衛將軍其子孫四人皆存錄焉存璋彥欽既殺虜黨慮孤城難守且費朝廷供饋乃率城中吏民老弱直歸田重進詔重進善撫之 十四日詔曰王者之師有如時雨蓋所以靜氛埃於保障拯塗炭於

生民睽彼北燕本為內地陷於醜虜垂五十年家懷憤  
心人失生計俟望漢土厥路無繇朕整飭師旅蕩平妖  
孽掃邊民之積恥震中夏之天聲復我遺民歸于故地  
况北邊民庶本號雄豪有能應接王師糾合徒旅憑茲  
天討雪此世讎便可濬發先機挺身應募必當資以糧  
饋假以甲兵有獲生口者人賞錢五千得首級者三千  
馬上等十千中七千下五千平幽州後願在軍者優與  
存錄願歸農者給復三年自是應募者甚衆 初王師  
之入虜境也邊民有曉勇者團結以擊戎虜或夜入賊  
壘斬其首級而還帝聞而嘉之曰此等素無廩祿又無  
甲兵邊陲之民勇於戰鬪若明立賞條必大有應募者

乃下是詔 蔚州既空其壁不復守備乃命田重進還軍定州重進之師無一兵一矢之損故獨全其功而曹彬等至岐溝關北與契丹追戰我師不利彬等收餘師宵涉巨馬河次于易州之南臨易水營焉宮苑使王繼恩馳騎入奏其事亟詔分兵屯于邊召曹彬崔彥進米信入朝命田重進率全軍駐定州遣潘美等還代州初諸將將行帝召謂曰潘美等但先取雲應令彬等以十餘萬衆聲言取幽州且持重緩行不得貪利以要虜虜聞之必萃勁兵於幽州兵既聚則不暇為援於山後矣及王師入虜地美果下衆朔雲應等州重進取飛狐靈丘蔚州山後要害之地多得之矣彬等亦連收新城固

安下涿州兵勢甚振每捷奏至帝已疑彬進軍之速且憂虜斷糧道而彬等至涿州旬日食盡乃退師至雄州以援供饋帝聞之大駭曰豈有敵人在前而却軍以援糧運乎何失策之甚也亟遣使止之令勿前引師緣白溝河與米信軍接養兵畜銳張西師之勢待美等盡畧山後之地會重進之師東下趨幽州與彬信合以全師制虜必勝之道也而彬部下諸將聞潘美田重進攻城野戰累獲其利以為已握重兵不能有所攻取繇是謀畫鋒起更相矛盾彬不能制乃裹五十日糧再往攻涿州虜當其前且行且戰百里之地歷二十日始至城下雖屢有克捷而時方炎酷軍士疲乏所齎糧饋將盡帝

憂之令還師既而彬退兵無復行伍為虜所乘比涉巨馬河軍民牛馬相蹂而死者甚衆彬等至命翰林學士賈黃中右諫議大夫雷德驥司門員外郎知雜李巨源鞠於尚書省彬與郭守文傅潛坐違詔逗留退軍失律士多死亡米信崔彥進坐違節制別道迴軍因致撓敗杜彥圭不容軍士哺食置陣不整迴軍散失蔡玉遇敵畏懦伏匿陳廷山涿州會戰失期薛繼昭先謀退陣搖動軍情法官言據律主將守備不設為賊掩覆臨陣先退皆斬詔下其議工部尚書扈蒙等請如法寺所定特詔貶彬為右驍衛上將軍彥進右武衛上將軍米信右屯衛上將軍郭守文右屯衛大將軍傅潛右領軍衛大



將軍杜彥圭均州團練副使陳廷山復州團練副使蔡  
玉除名配商州薛繼昭降為供奉官而車駕亦罷北巡  
八月潘美等既歸代州未幾詔盡遷四州民於內地令  
美等以所部兵護之時契丹偽妃與大臣耶律漢寧南  
北皮室及五押惕隱領衆十餘萬復陷衆州楊業與戰  
于陳家谷口兵敗業死之初寇至業謂美等曰今賊勢  
甚盛不可與戰朝廷祇令取數州之民但領兵出大石  
路先遣人密告雲朔州守將俟大將離代州日令雲州  
之衆先出我師次應州契丹必悉衆來拒即令朔州吏  
民出城直入石碣谷列强弩千人於谷口以騎士援於  
中路則三州之衆萬全可保矣王侁曰領數萬精兵何

畏懦耶但趨鴈門北川中鼓行而往馬邑劉文裕贊成  
之業曰此必敗之勢旣曰君侯素號無敵見敵追挽不  
戰豈有佗志乎業曰非愛死蓋時有未利徒殺傷士大  
夫而功不立今君責業以不死當為諸公先死爾即率  
帳下騎兵自石硤路趨朔州指陳家谷口謂潘美曰可  
於此張步軍強弩為左右翼以援侯業轉戰至此以步  
兵擊之不然者無遺類矣美即與旣領麾下兵陣於谷  
口自寅至己旣使人登托邏臺望以為虜寇敗走旣欲  
爭其功即領兵離谷口美不能制乃緣灰河西南行二  
十里俄聞業敗即麾兵却走業力戰自日中至暮果至  
谷口望見無人即拊膺大慟再率帳下士戰身被數十

長編注引以  
大戎作契丹  
言仁之

創其子延玉死焉帳下士殆盡業猶手刃數十百人馬  
重傷不能進遂為虜所擒不食三日而死 詔優贈業  
大同軍節度使削潘美三任為檢校太保王侁除名配  
金州劉文裕除名配登州 端拱元年八月以宣徽南  
院使郭守文為鎮定兵馬都總管洛苑副使康贊元為  
鎮州駐泊兵馬都監崇儀副使尹繼倫為定州駐泊兵  
馬都監 十一月守文敗契丹於唐河先是犬戎圍城  
國家乃於鎮定高陽關大屯兵甲以揭角 真宗咸平二  
遠將之日帝親校以成算至是果克捷焉  
年七月以待衛馬步軍都虞候忠武軍節度使傅潛為  
鎮定高陽關行營都總管西上閤門使富州刺史張昭  
允為都鈐轄洛苑使入內內侍副都知秦翰為排陣都

監萊州防禦使田紹斌為先鋒崇儀使石普同押先鋒  
單州防禦使楊瓊為策先鋒九月田紹斌石普與知保  
州楊嗣敗虜衆於廉良路殺二千餘人斬首五百餘級  
獲馬五百匹兵仗鎧甲稱是 十二月又以殿前都指  
揮使王超權都虞候張進為先鋒策先鋒大陣往來都  
提點馬步軍都軍頭呼延贊馬軍都軍頭王潛為先鋒  
濱州防禦使王榮馬步軍副都軍頭王繼忠為策先鋒  
內出陣圖令識其部分尋以王榮為貝冀路行營副都  
總管西京作坊使梁承勲內殿崇班蔚昭敏並為都監  
三年正月又以殿前都虞候鎮州駐泊都總管葛霸  
為貝冀高陽關前軍行營都總管會戎人南侵緣邊城

堡悉飛書告急於傳潛潛返留不出兵以致虜破狼山  
諸寨悉銳攻咸虜軍不勝遂引兵畧寧邊軍入祁趙游  
騎出邢洺間百姓驚擾鎮定路不通者踰月高陽關都  
總管康保裔與虜戰而援兵不至保裔遂陷于賊潛坐  
是削奪在身官爵長流房州昭允長流通州 時潛與  
昭允及秦翰屯定州而潛畏懦無方畧其麾下步騎凡  
八百餘咸自置鐵鎗鐵挂人蓄銳器爭欲擊賊而潛閉  
門自守將校請戰者輒醜言罵之朝廷屢問道遣使督  
其出師與諸路兵合擊而范廷召桑贊秦翰等屢促之  
皆不聽然猶不得已乃令騎八千步二千付廷召等於  
高陽關逆擊之仍許出兵為援洎廷召等與虜血戰而

德下系極  
係貼黃

潛不至康保裔遂沒焉及真宗將親征又命石保吉上官正自大名領前軍赴鎮定與潛會而擊虜潛卒逗留不發以至虜騎犯德渡河至淄齊劫人民焚廬舍帝駐大名邊捷未至且聞驍將楊延明楊嗣石普屢請益兵潛不知與有戰勝者潛又抑而不聞繇是大怒命樞密都承旨王繼英馳召潛與石保吉等各以所部兵赴貝冀路行營潛至冀州乃遣高瓊單騎即軍中代之令潛等詣行在至則下獄命工部侍郎錢若水御史中丞魏庠知雜御史馮拯按劾之一夕而獄具罪當斬百官議論如律上封者皆請正典刑詔特貸其死焉是月高陽關貝冀路都總管范廷召帥兵追契丹至莫州東

三十里大破之斬首萬餘級獲所虜老幼數萬鞍馬兵  
仗不可勝紀餘寇逃遁出境 四年七月以山南東道  
節度使同平章事王顯為鎮定高陽關三路都總管侍  
衛馬步軍都虞候天平軍節度使王超為副都總管殿  
前副都指揮使保靜軍節度使王漢忠為都排陣使殿  
前都虞候雲州觀察使王繼忠為都鈐轄西上閤門使  
韓崇訓為鈐轄宮苑使入內都知韓守英為排陣鈐轄  
保州團練使楊嗣莫州團練使楊廷郎西上閤門使李  
繼宣趙州刺史張凝入內副都知秦翰並為前鋒鈐轄  
如京副使高素為押先鋒內殿崇班岑保正同之冀州  
團練使石普為押策先鋒六宅副使王德鈞同之仍以

顯兼定州都總管趙兼鎮州都總管漢忠兼高陽關都  
總管崇訓兼鎮州駐泊鈴轄武守英兼高陽關駐泊鈴  
轄時邊臣言北戎集兵慮乘秋入寇故命帥為備也又  
以侍衛馬步軍副都指揮使河西軍節度使桑贊為莫  
州駐泊都總管供備庫使楊永遵內殿崇班張繼勳並  
為都監馬步軍都軍頭荆嗣供備庫副使趙彬步軍都  
軍頭劉先世並為北平寨駐泊憲州刺史滄州駐泊副  
總管陳與兼雄霸路緣界河海口都巡檢使內殿崇班  
閻門祇候王汀同之供奉官閻門祇候馮若拙侍禁閻  
門祇候劉知訓並為都監又以霸州防禦使李福為鎮  
州副都總管祁州團練使劉用為高陽關副都總管德



州團練使張斌為定州副都總管南作坊使昭州刺史  
張旻為鎮州鈐轄崇儀使順州刺史蔚昭敏供備庫使  
帶御器械白守素並為定州鈐轄西京左藏庫使劉廷  
偉西京作坊使帶御器械石知顯並為高陽關鈐轄十  
月增高陽關三路兵騎二萬為前鋒又命將五人各領  
騎三千陣于先鋒之前別命桑贊領萬人居莫州順安  
軍為奇兵以備邀擊荆嗣領萬人以斷西山之路仍列  
績為圖遣內侍副都知閻承翰齎示王顯等且戒之曰  
設有未便當極言以聞無得有所隱也

先是議以大兵陣于威虜軍而

斥候者言戎人尚在炭山未謀南牧故命忠徒於患山

俄報與丹首領連攻漁陽漸逼威虜故大兵不及進帝

喜歎之是月張斌破契丹于河海口殺獲甚眾漸近戎首

伏騎大起三路統帥不進前陣兵少退保威虜軍時  
戎人自威虜軍為王師所敗殺偽大王統軍二人蕃軍  
僅二萬人餘衆號慟于野 俄詔桑贊分部下兵萬人  
於寧邊軍駐泊令北面前陣兵居後以為應援真宗以  
前陣昨經力戰均勞逸而休息之也 十一月前軍與  
契丹遇大破之戮二萬餘人獲其偽命大王統軍鐵林  
相公等十五人首級得偽印二紐以羽林軍為文收甲  
馬甚衆首領遁去會河朔饑歉遂罷兵閏十二月李繼  
遷臨清遠軍即以侍衛馬步軍都虞候天平軍節度使  
王超為西面行營都總管環慶路駐泊總管趙州刺史  
張凝副之入內副都知恩州刺史秦翰為鈐轄明年正

月張凝領兵入賊界生擒賊將焚帳族二百餘毀芻糧  
八萬數斬級五千獲牛羊器甲二萬降九百餘人 五  
年六月以侍衛馬步軍都虞候天平軍節度使王超為  
定州路駐泊行營都總管殿前都虞候雲州觀察使王  
繼忠副之官苑使入內都知韓守英為鈐轄 初王超  
至自雲州即召問北邊事超言將來出師請止如去歲  
規畫若欲交戰則宜寨於保州之北威虜軍南超又言  
去歲於大陣之外別設奇兵謂之前陣今請令將帥統  
之帝語輔臣曰大陣兵已倍向來之數去歲於天雄軍  
莫州北平路又前陣別有師旅此係朝廷機事今王超  
復有是請如何處分呂蒙正等曰此請固不可從帝曰

既任以外聞則所奏豈可不從宜召至中書樞密院詢其方畧何如於是咸言超材堪將帥故有是命 六年

四月契丹南寇超發步兵千五百赴定州望都縣至縣南六里遇賊逆戰殺戮甚衆賊併攻東偏出陣後焚絕糧道人馬渴乏將士被重創賊圍不解衆寡非敵王繼忠沒焉遂引兵還州詔發河東廣銳兵三千指揮由土門趨鎮定以援之 景德元年三月北面三路都總管王超請募緣邊丁壯及發精兵入賊境帝慮生事於邊陲詔止之若戎人南牧但於境上驅攘無得輕議深入會契丹奚王及偽南宰相皇太妃令公各率兵約四萬騎自鑒城川抵涿州聲言脩平寨軍故城容城三處詔

王超等嚴加斥候虜若有事於三城則併力城望都以  
大兵夾唐河令威虜靜戎順安軍北平寨保州嚴兵應  
援仍廣開方田以拒戎騎若猶未也則以脩新樂為名  
儲瓦木於定州超又言戎人入寇或誘擊王師大軍不  
可輕動請至時分兵掩擊詔如寇至許便宜從事仍令  
押陣使臣稟超節度 七月以保州團練使鄭誠為鎮  
州路副都總管深州團練使楊嗣為趙州駐泊總管同  
押大陣 九月詔曰北面行營諸軍將士等國家藉祖  
宗之洪基荷乾坤之眷祐無思不服有感必通冀成一  
統之君永作萬邦之主而恩信難洽封疆未寧沙漠之  
區車書尚異每勞民而動衆常護塞以防秋汝等久別

家國各當征戍外則枕戈按劍內思弭寇平戎固宜並  
務忠勤依予告諭遇奔衝之際即須盡力翦除觀敗散  
之時切在齊心守備立功立事有賞有酬若是遷延及  
聞退衄決行軍令以示衆多 閏九月令代州副總管  
元澄俟戎人南侵即率所部於境上禦備牽制之仍令  
并代副都總管靈有終至時領兵由土門路赴鎮州與  
大軍合寨於平定其月詔曰國家每誡邊臣勿侵外境  
庶安民而息戰豈黷武而窮兵而契丹屢犯邊陲不遵  
理道今已遣上將大益精兵諸路齊驅剋期翦戮尚慮  
控弦奄至劫掠居民其河北諸州軍強壯諸色人能糾  
集徒衆殺蕃賊者仰所在官司策應其生擒契丹一人

支錢十千斬級支錢五千十人十級以上仍給公據當  
議加獎所獲物悉與之如擒斬近上首領職員除賜與  
外速具聞奏當優獎之又令緣界河總管康進邢州路  
總管劉用各率所部赴滄邢州屯守戎人入寇即邀擊  
之 十月契丹首領與其母來犯大軍不交鋒而退王  
超等按兵以俟尋即引去緣胡盧河以東詔諸將整兵  
為備令威虜軍保州北平等路總管深入賊境腹背縱  
擊以分其勢會契丹請和遂罷兵 大遼附 徽宗宣  
和四年正月十三日女真陷奚國遂引兵至松亭關古  
北口屢敗契丹降奚三月十一日天祚自燕京奔雲中  
留宰相張琳李處溫與燕王耶律淳守燕處溫與其弟

處能及蕭幹挾忍軍立燕王 契丹有東南路怨軍其

首領坐討賊逗留誅其隊長羅青誅衆為亂於是郭藥

師等殺羅青等數十人以獻餘徒悉降之 二十七日

即位於燕廢天祚為湘陰王遣知宣徽南院事蕭撻勃

也樞密副承旨王琚充使副告謝朝廷上以天祚見在

夾山燕王安得立不受而還之遂遣童貫為陝西河東

河北路宣撫使勒兵十五萬巡邊 先是政和七年秋女

曹孝才等率其親屬以大舟浮海來登州備言女真攻

契丹數年奪其地已過遼河之西知登州王師中以聞

詔奏京童貫遣武義大夫王師中選能吏使女真講買馬舊

好八年春遣武義大夫馬政與平海指揮軍司李慶隨

高藥師等行至其國其主首阿骨打發渤海人李善慶

燕女真散都生女真勃達三人齎書土物同馬政來以

宣和元年正月十日入國門居十餘日差歸朝官直秘

閣趙有開武義大夫馬政王師中之子忠訓御環充使



肅詔書禮物與善慶等渡海往聘之至登州有開瓦會  
河北秦女真嘗祈契丹修好詐以其表聞於是罷使人  
之行止差呼慶等用州牒遣李善慶等歸宣和二年  
正月呼慶至自女真留之半年責以中報且言登  
州移文之牒請別遣人通好二月詔右文殿修撰趙良  
嗣往使忠訓郎王瑒副之因約夾攻契丹取燕雲舊地  
夾攻之謀起於此自後朝廷與女真遣使往來議論皆  
主盡貢至是代州秦淮大金彰國軍縣近白水泊擊破  
契丹兵并放鴿行帳天祚脫身北走本國詔曰朕荷天  
軍馬已到山後平定州縣朝廷遂有此舉  
降康登茲極治聲教所暨孰敢不庭乃眷幽燕實為故  
壤五季不造賜于北戎今上帝降禍于虜傾國喪家自  
取通甌朕致天之討弔爾羣黎已遣太師領樞密院事  
童貫重兵百萬收復幽燕故地及已與大金計議畫定  
封疆宜茲告猷迪爾有衆秦晉國王如納土來朝待以  
殊禮世享王爵應收復州縣城寨文武官並依舊職任

事平第功賞不次擢用軍兵守戍之士並加優賞願在  
軍者厚與存錄願歸農者給復三年收復之後蕃漢一  
等待遇民戶除二稅外應干差徭科率無名之賦並行  
除放已指揮大軍所至務在安集百姓不得誤有殺傷  
或焚毀廬舍虜掠人畜犯者並行軍令如或昧於逆順  
干我王誅若猶豫懷疑弗克果斷身膏原野實爾是貽  
故茲詔示想宜知悉仍以御筆三策付貫如燕人悅而  
服之因復舊疆策之上也耶律淳能納款稱藩策之中  
也燕人未即悅服按兵巡邊全師而還策之下也四月  
二十三日駐軍高陽闡宣撫使司兼管遵奉睿旨務在救民  
不專殺戮爾等各宜奮身早圖歸計有官者復還舊次

有田者復業如初若能身率豪傑別立功効即當優與官職厚賜金帛如能以一州一縣來歸者即以其州縣任之若有豪傑以燕京來獻不拘軍兵百姓雖未命官便與節度使給錢十萬貫大宅一區契丹諸蕃歸順亦與漢人一等已誠將士不得殺戮契丹自來一切橫歛悉皆除去雖大兵入界凡所須糧草及車牛等並不令燕人出備仍免二年稅賦五月十八日續遣少保鎮海軍節度使開府儀同三司蔡攸為河東河北路宣撫副使於是西師稍集种師道總東路之衆屯白溝王亶將前軍楊惟忠將左軍种師中將右軍王珪將後軍趙明楊志將選鋒辛興宗總西路之衆屯范村楊可世王淵

將前軍焦安節將左軍劉元國冀景將右軍曲奇王育  
將後軍吳子厚劉光世將選鋒並聽劉延慶節制以劉  
紹宇文黃中為參謀鄧珪鄧珪為廉訪使者貫初至雄  
州令趙良嗣草書差歸朝官張憲趙忠諭淳禍福淳得  
書執二人斬之貫知游說不效遂募武翼大夫閤門宣  
贊舍人馬擴自雄州齎軍書及敕牒入燕京招諭淳亦  
甚懼遣大石林牙蕭曷魯領騎二千屯新城种師道裨  
將楊可世乃將輕騎數千欲直取之二十六日至蘭溝  
甸為大石林牙所敗二十九日淳益師二萬餘人渡白  
溝挑我軍我軍遇之又北於是童貫以為契丹尚盛未  
可圖上亦詔班師遣諸將分屯會耶律淳死契丹無主

大宰王黼力主再興師之議於是悉諸道兵二十萬期  
九日會三關詔貫攸母歸異議者斬而伐燕之議成矣  
八月常勝軍管押諸衛上將軍郭藥師囚涿州刺史蕭  
慶餘遣團練使趙鶴壽帥兵八千鐵騎五百并一州四  
縣民士上表來降二十九日西路統制劉光世與契丹  
迎戰于易州之南光世稍却州人趙秉淵等殺城中契  
丹遣人納款衛尉少卿通判易州王惇以州降於是涿  
易皆下拜藥師恩州觀察使餘命官有差以常勝軍八  
千易州義兵五千並隸劉延慶前軍為鄉導蕭太后聞  
常勝軍降遂遣永昌宮使蕭容乾文閣待制韓昉來使  
奉表稱臣十月十三日手詔應收復及已歸附州縣見

禁罪人除抗拒王師及謀不軌外餘罪無大小並赦見  
停廢文武官將校公吏人並許所在自陳當議甄敘隨  
才任使流配人患遷之逃亡及為盜賊者並釋罪令歸  
業又手詔應日前無名科率抑配及一切煩苛之令赦  
諸州一一具聞當悉行蠲罷不必待報者宣撫司除之  
積欠稅賦若公私子錢皆免人戶委州縣長吏招誘以  
歸加意存撫貧乏若饑民並以官粟賑給無令失所畧  
獲人口者各尋付其家違者重寘典刑又手詔見居官  
者俊若有功卿士已議褒擢外有懷才抱藝堙沉下僚  
或素為鄉里所推未被試用者敕宣撫司及州縣長吏  
詢採以聞當不次擢用其以忠直得罪虜酋或為權幸

排斥或以誑誤抵罪者並以名聞或當甄擢永用為勸  
十五日詔燕京為燕山府廣楊郡永清軍節度使十八  
日詔蔡攸知燕山府二十二日以得泳易二州百官詣  
紫宸殿稱賀六年正月十四日詔偽四軍太王夔離不  
擅即偽位爰飭六師大敗於峯山傳首京師可擇日御  
紫宸殿受賀夔離不首級依典禮送大社庫自金人屯  
白水泊遣烏歇及高慶裔來歸緣前日遣曷魯大迪烏  
等歸不遣使疑吾有謀又聞童貫大軍趨燕恐吾自取  
燕則歲賂不可得故專遣使來朝廷遣趙良嗣馬擴報  
其聘良嗣等至奉聖州與其國相蒲結奴計事彼欲不  
諭元約止以燕京六州二十四縣歸于我平樂等州並

不在許與之數蓋知劉延慶等還師故也留馬擴從軍  
再造李靖王度刺撒盧母同趙良嗣來朝廷復遣良嗣  
周武仲往聘之貫攸再舉師不能下燕懼無功得罪密  
使良嗣禱金人圖之而金兵以先入燕遣馬擴歸獻捷  
良嗣等至金人軍前阿骨打欲燕京稅租而不議平樂  
等州再造李靖王度刺來議其事且欲交歲幣朝廷復  
遣良嗣武仲同使人往議租賦多寡之數阿骨打欲得  
百萬緡良嗣往復辨論未決遣良嗣歸良嗣至雄州以  
驛書聞詔亦許之再造良嗣至軍前阿骨打大喜遂議  
雲中地阿骨打云我增百萬緡南朝一言不辭今求西  
京何辭拒之遂遣寧朮割度刺撒盧母齎誓書來朝廷



又差盧益趙良嗣馬擴報聘元室云計議已定近有燕  
京職官趙溫訖等來南須先以見還議交燕月日良嗣  
諭宣撫司以趙溫訖與之乃得其誓書初平燕之役上  
以三策授童貫意在保民觀釁不急於攻取也而王黼  
暨貫攸銳於成功力主興師之議調發累年至是乃入  
燕云 夏州 太宗淳化五年正月以侍衛馬軍都指  
揮使邠州節度使李繼隆充河西行營馬步軍都總管  
以長州團練使尚食使尹綸充行營兵馬鈐轄先是李  
國靈州泊通遠軍諸堡寨侵畧居民焚其積聚帝怒曰  
繼靈叛朕使賜與加等俸入優厚仍通其關市及以銀綬授  
之觀察使賜與加等俸入優厚仍通其關市及以銀綬授  
州委其弟兄恩寵極矣乃敢如此朕今命將討之決矣  
故命繼隆等馬三月李繼隆等如平夏州檢閱節度使趙  
保忠收獲牛羊器甲數十萬安撫其民留兵鎮守銀夏

州舊漢戶八千至道二年四月以侍衛馬軍都指揮使

靜難軍節度使李繼隆為環慶靈州清遠軍兵馬都總

管殿前都虞候涼州觀察使范廷召副之以會州觀察

使知靈州田紹斌為靈州兵馬都總管內外都巡檢使

未幾召紹斌赴闕先是命洛苑使白守榮西京作坊使

洛河會繼明平守榮等後期一日至為繼明所圍守榮

等故擊之紹斌曰舊戎輕能勿棄輜重與戰但按營結

陣徐行守榮曰我不投汝節度爾但率兵來迎爾勿預

吾事紹斌因率所部去輜重四五里繼明初望見紹斌

旌旗不敵擊守榮自欲進功遂與戰敗後夫乘輜重

分走跡民死者無數志為繼明所獲始帝令調發車乘

首撫併為一遂致臨洮帝聞之怒遣國子博士王用和

乘傳捕輯運副使實耽紫猷驗問白守榮責授洛苑副

使馬紹忠責授供奉官繼隆至靈環迺未進軍詔以

而命繼隆等出討焉

深州防禦使尹繼倫為靈慶兵馬副總管以督其軍事  
七月以殿前都指揮使王超為夏綏麟府州兵馬都總  
管九月夏綏延行營兩路合勢破賊於烏白池斬首五  
千級生擒二千餘人獲米募軍主吃羅指揮使等二十  
七人馬二千疋兵器鎧甲數萬庫臣稱賀先是帝親討  
繼倫令繼隆自環州丁罕自慶州范廷召自延州王超  
自夏州張守恩自麟州兄五路幸兵抵平夏皆授以成  
算師已有期會繼隆遣其弟繼和肥驛上言繼和欲  
自請望以直抵繼隆遣其弟繼和肥驛上言繼和欲  
使殿詰之曰汝兄此行必敗吾事矣因手札數幅切責  
繼隆命引進使周瑩詣軍前督之瑩至而繼隆已便  
宜發兵不俟報脫而與丁罕兵合行數十日不見虜引  
軍還張守恩見虜不擊率兵歸本都獨王超范廷召至  
烏白池與賊遇大小數十戰雖頻克捷三年正月以侍  
不諸將失期士卒困乏終不能擒賊馬  
衛親軍馬步軍都虞候傅潛為延州路兵馬都總管殿

前都虞候王超遠為靈州路兵馬都總管西京作坊使  
石普為闕右河西巡檢戶部使張鑑調發陝西諸州軍  
糧知制誥張秉馮超翰林侍讀呂文仲持節督之未幾  
太宗上仙遂罷 仁宗寶元二年四月詔以夏國元昊  
叛命指揮陝西諸路兵馬總管司各常訓練兵甲預備  
蕃路出入山川道路並須畫時會合掩殺六月二十三  
日乃下詔削元昊在身官爵除去屬籍令陝西河東點  
集丁壯移戍軍馬九月斬其偽環州刺史劉乙都于都  
市是月昊賊寇延州副將死之十二月攻保安軍鈴轄  
盧守勲等擊退之三年正月再攻延州甚急知州范  
諸路併兵二月二日乃命鎮海軍節度使知樞密院

事夏守斌為宣徽南院使陝府西路馬步軍兵馬都總  
管兼經畧安撫使尋加江邊招討使龍神衛四廂都指  
揮使葛懷敏副之知制誥韓琦西上閤門副使符惟忠  
為安撫副使秘書丞田京太子中允尹洙並簽書經畧  
同事陝西轉運明鎬充隨軍轉運使以知涇州夏竦為  
忠武軍節度使兼涇原秦鳳經畧安撫使五月二十六  
日遂除夏竦充陝府西路馬步軍都總管兼經畧安撫  
使公邊招討使知永興軍以葛懷敏知涇州代領其事  
韓琦范仲淹並為經畧副使仍同管勾都總管司事待  
制龐籍為都轉運耀州觀察使夏元亨為副都總管兼  
公邊招討使乃召夏守贊等還闕以用師無功更用將

帥也又以太常丞田況為安撫判官吳賊出入常在保安鎮戎等軍往返環慶而窺延州康定元年春鄜延環慶路副都總管劉平右元孫與賊接戰獲首級甚衆賊先以老弱繼以精兵乘其後援兵不至平元孫死之是秋吳賊領大兵寇保安鎮戎環慶路都副總管任福等自慶州東路薺言巡邊戰於白豹城遂分部將士圍其城福押大陣居城福押大陣居城南夜漏未盡四面合擊平明大破之破蕩骨咩等族四十餘帳焚其巢穴委聚四十餘里五月九日復以夏竦知涇州臨邊制事也以知青澗城种世衡通判儀州耿傳計置陝西隨軍糧草九月詔河東轉運使楊楷率并州强壮萬人自鄜府

入界是冬詔鄜延涇原兩路同進兵入討西賊二年秋  
韓琦在鎮戎以兵馬盡授諸將而任福等晝夜馳逐倍  
道超走遂失利大將葛懷敏領大兵趨渭州山外為賊  
據其地勢吾軍少却即衝我軍繼以步騎挽強注射遂  
遭掩殺自劉平敗於延州任福敗於鎮戎葛懷敏敗於  
渭州賊聲益振然所以復守其巢穴者以鄜延路兵屯  
六萬八千環慶路五萬涇原路七萬秦鳳路二萬七十  
以牽制其勢也慶曆元年命夏竦屯鄜州陳執中屯涇  
州是秋昊賊陷豐州又攻鄜州又攻府州阻於山險為  
我軍憑高擊之死傷殆盡元昊叛命數年寇撓西邊然  
彼亦大困矣自此數來請和然邊陲尚未解嚴至四年

以誓書來上十月行封冊之禮乃罷兵 神宗元豐四年四月十九日鄜延路馬步軍副都總管兼第一將种諤言近奏秉常為賊臣所殺乞朝廷興師問罪今覘知秉常兵見聚所居木寨國母及梁相公凡出銀牌照集乞乘幾興師招討上批見遣王中正往體量的確情偽宜先令沈括种諤密議點集兵馬告諭逆順招懷並邊主兵酋以俟大兵併力六月十五日上批應熙河路及朝廷所遣四將漢蕃軍馬並付都大經制并同經制李憲苗授依階級法總領照應董氈出兵要約部分本路蕃弓箭手量所用人數以往如董氈渝請不肯如期出兵即相度機便移兵討除其臨敵利害事干機速申覆



不及者隨宜措置施行其錢帛糧草並委經制管勾軍馬官胡宗哲計度應副 初熙寧元年夏國主諒祚死子秉常立二年三月遣使持節冊為夏國主累侵邊境至是命將討焉 二十七日詔以种諤為鄜延路經畧安撫副使應本司事與經畧使沈括從長處置以入內副都知王中正同簽書涇原路經畧總管司公事如遇出界令王中正及涇原路總管司兼本路第一將劉昌祚同往發開封府界京東西諸將軍馬分與鄜延環慶兩路以東上閭門使英州刺史姚麟權環慶路副總管遇出界令知慶州高遵裕與姚麟同往於在京七百料錢已上選募馬步軍萬五千人開封府界及本路共選

募義勇保甲萬人如涇原五千人不足於秦鳳路選募  
七月五日詔將士能立大功蕩除賊巢當此熙河賞功  
三倍臨賊不用命並全家誅戮國獲不以多寡聽自與  
官不檢校能禽戮拒命賊帥並量大小與節度使以不  
至班行應先在國主左右及諸部族并同心為主者並  
不誅殺令展轉告諭與官軍共力討除當隨功大小各  
有爵命賊建府庫所藏金帛並主將親檢校均給諸路  
軍馬並須更互照應即一路受敵觀望不即赴救回日  
主將當處斬應降附並邊部族少壯以從軍老少遷近  
便城若給口食安存之降附部族諸將士卒輒希功殺  
戮者主將即時處斬河北州郡須候撫定賊巢然後分

兵討除或招諭歸降臨敵措置非可豫為計者並隨宜  
經畫八月五日詔麟府路并鄜延環慶涇原兵馬出界  
後並聽王忠正節制既而上批近差措置麟府路軍馬  
止謂未出界以前與逐路帥臣將官議定進兵其出界  
後王忠正止令遵稟宣命節制鄜延一路諸將兵其環  
慶涇原自委高遵裕節度中正更不當干預俟先下靈  
方依畫一總六路軍馬節制七日鄜延路走馬承受楊  
元孫言西賊二萬餘人於無定河川臨川堡出戰斬獲  
首級上批朝廷諸城寨未嘗侵擾夏國今輒領大兵入  
寇緣所定師期尚遠宜下鄜延路經畧司令保安軍牒  
宥州詰問庶使彼辭愈曲我師出境其名益直十一日

上批已指揮秦鳳一路兵付李憲從便節制處分可再  
下都大經制司依詳朝廷屬任之意二十三日熙河路  
都大經制司總領七軍至西市新城遇賊約二萬餘騎  
官軍掩擊敗之擒首首三人殺獲首領二千餘人斬首  
領二千餘級奪馬五百餘匹二十五日詔昨降指揮合  
諸路期約進兵一舉撲滅賊巢近種諤先招納遣諸將  
淺攻各有斬獲之勞未為失謀今師期不遠其務全養  
士氣依王中正議定期日與諸路協力進討乃命聽王  
中正節制 初種諤以鄜延兵先招納夏人是月二日  
次綏德城八月分遣諸將出界遇賊破之朝廷以諤輕  
出故也 二十六日李憲駐兵女遮谷遣漢蕃將士襲

擊餘黨於山谷間斬首百級獲牛馬孳畜甚衆大軍遂  
過龕谷川詔熙河路李憲等見與董氊人馬期會攻討  
夏賊緣廊延等路師期尚在九月下旬令李憲等如兵  
馬出界遇賊已見克捷即進兵深討若賊兵阻遏未可  
長驅即擇空要便於饋運之所權立營寨以俟諸路師  
期首尾相應王中正种諤奏涇原環慶會兵取靈州渡  
討定興州麟府廊延先會夏州候兵合齊進取懷州渡  
討定興州乞下涇原環慶遵守從之九月四日詔中正  
高遵裕如行軍庶事已就緒即相度乘機進討不須拘  
以元定期日九月十七日詔令諸路兵直趨興靈兼累  
據董氊亦稱欲往靈州破賊若赴興靈道路阻遠即領

全軍過河攻取涼州不得止遣偏裨又上批累據劉昌祚奏請多不中理慮難當一道帥領令知環州張守約往代昌祚令昌祚赴遵裕麾下二十七日西賊兵馬七八萬自無定河川南來欲救米脂之圍种諤先戒後軍移師城下阨賊兩門鑿為溝塹二十八日接戰衆大潰斬首八千餘級奪馬五千餘匹駝畜器甲萬計詔諤更不受王中正節制十月六日詔近令李憲等協力深入或勒兵過河攻取涼州令聞糧草不繼已械馬中等送獄令李憲等未得進兵候饋運稍辦即依前詔七日王師至女遮谷賊黨數萬牛羊駝畜充滿川谷於二十里外下寨前據天澗兩重後倚高川石峽賊逆戰自午至

酉賊退保天澗值夜對岸相射夜半賊退斬獲六百餘級奪馬數百匹九日詔李憲已總兵東行涇原總管劉昌祚副總管姚麟見統兵出界如前路相去不遠即與李憲兵會合結為一大陣聽李憲節制十二日軍至西界堪哥平磨哆隘口逢賊約二三萬拒隘與偽統軍國母弟梁大王戰賊敗退追奔二十里斬獲六首領沒囉卧沙監兵使梁格鬼等十五級小首領二百十九級生擒首領統軍姪紇多埋等二十三人斬二千四百六十級十五日夏州牽九思遁去官軍入夏州十七日高遵裕軍過橫山是月种諤離夏州遣曲珍等領兵通黑水安定堡路接運軍糧遇賊與之戰斬獲賊鈴轄首領以

下千七十八級招降六百五十人二十日收復故清遠  
軍并韋州詔令高遵裕連部分諸將進兵與諸路會合  
攻討興靈二十四日師次鳴沙城二十九日趨靈州城  
下先鋒遇賊接戰斬首二百七十二級生擒四十三人  
奪馬牛羊駝畜萬餘糧草五萬餘十一月三日西賊屯  
兵蒲萄山李稷遣曲珍分銳兵出賊後首尾合擊走之  
斬首四百級獲器甲二千馬五千偽宣勅七銅印一降  
四十餘人四月涇原路經畧司言劉昌祚磨賊鳴隘口  
生擒西賊二十二人留為鄉導斬唱唯等十二人五日  
詔熙河路都大經制司已分畫地分討賊更不節制涇  
原路軍馬令劉昌祚等依舊受高裕節制七日熙河路



都大經制司言軍行至天都山下營西賊所居內有七  
殿其府庫館舍皆已焚之又至囉逋川捕獲間諜審問  
首首名統軍人遂將兵追襲斬獲千級生擒百餘人  
虜牛羊孳畜萬計又離天都山至滿丁川名賊衆敗  
散追襲又斬獲五百級生擒二十餘人奪馬二百餘匹  
牛羊孳畜約七千乃還取蘭州城之增戍壘差人降附  
者數萬帳九月种諤第三將楊進等破石堡城斬首領  
已下百六十八級降生口大首領葉示歸理已下千六  
百七十六獲馬六十六牛羊四千餘廓延路城細浮圖  
與堡義合寨門米脂五寨二十一日廓延路言种諤軍  
前士卒奔潰入寨未知行營所在詔諤速引軍於便處

安泊候士氣稍壯糧餽有備即依前詔施行二十二日  
詔在憲亟旋師本路安養士氣品第功狀以間應行營  
漢蕃次厚與犒設仍大開恩信廣務招來新土生羌及  
密定置戍之所計度版築之具以俟春暖興作二十四  
日詔种諤兵馬部領還本路俟稍近春暖再出討其本  
路土兵各歸元駐劄州軍城寨蕃兵并漢蕃弓箭手等  
各歸元住處開封府界京東西將兵分擘於近裏有糧  
草州軍屯泊其運糧夫皆放散种諤下將佐各隨軍歇  
泊同日詔環慶涇原之師見攻靈州未破令王中正將  
所部兵馬於延州簡不隨种諤出界兵三萬人以上速  
自環州洪得寨入至鞏州以北如靈州可破即換久役

兵員回通接轉餉或糧餽聞之即逆還退歸

先是涇原環慶兩處

兵進攻靈州雖屢獲首級其賊廣固守衆具備幾月不下值大風雨寒凍死傷士卒賊大黃河水沒營不能駐留又雅道不通彭孫以其護涇原糧為十二月十五日賊所鈔畧諸軍聞食於是朝廷議退師

高遵裕劉昌祚姚麟彭孫降官有差以遵裕等攻取靈

州無功彭孫護糧草為賊鈔畧故也 五年正月二十

七日詔以种諤知渭州李憲為涇原路經畧安撫制置

使李浩兼權涇原路經畧安撫副使諤浩於制置司並

用階級法二月四日詔以內侍押班李舜舉為照管涇

原路經畧司一行軍馬參議軍中大事三月二十一日

鄜延路副總管曲珍言出界至金湯遇賊焚蕩族帳七

百斬千級四月二十一日詔秦鳳路經畧司如無賊馬

犯邊毋得出兵五月十一日詔沈括李憲苗授據環慶  
路經畧司奏夏國母自三月初點集河南西涼府囉龐  
界甘肅瓜沙十人發九人欲諸路入寇人馬已發赴興  
州及四月丁丑西賊二萬餘人騎侵犯淮安鎮宜以本  
路兵馬合成大陣守空要害伺其深入痛行掩殺种諤  
復建言請盡城橫山占據地利北瞰平夏使虜不得絕  
磧為患二十六日詔給事中徐禧內侍省押班李舜舉  
往廊延路計議邊事六月一日環慶經畧司言斬西賊  
統軍寇名妹精寇副統軍訛勃遇得銅印起兵符契兵  
馬軍書并獲蕃丁頭凡三十八級七月三十日涇原路  
經畧司言謀報西界十二監軍司人馬齎五月糧於胡

蘆河點集國母小大王七月未過黃河欲以八月尅日  
入寇鎮戎軍大川詔留李憲且在涇原照管邊面多遣  
人深入覘候如有寔狀即追秦鳳熙河先團結諸將兵  
馬及環慶二萬人騎令姚兕統領合力驅逐毋失機會  
九月五日謀報西賊發六監司兵次銀州川沈括徐禧  
戒勒諸將分定戰地十六日沈括言九月九日西賊三  
十萬遁永樂城副都總管曲珍等兵少禦敵未退將官  
寇偉李師古高世才夏儼程博古及使臣十餘人士卒  
八百餘人死之賊遂圍城二十日永樂城陷徐禧李稷  
李舜舉并漢蕃官二百三十人兵萬二千三百餘人皆  
沒初經畧沈括進言既獲米脂寨以橫山勢蹙距宥

州才三舍下瞰銀夏平川千餘里皆沃壤可以耕稼為  
屯田之計今乞於米脂之間城永樂屯勁兵以抗虜則  
河北之地盡可耕種朝廷遣給事中徐禧內侍李舜舉  
相視利害時五年七月也禧等至延安與括相同度意  
合即奏言如括議朝廷許之八月禧舜舉與括等將舊  
漢兵十餘將凡八萬役夫荷糧者倍之於是李稷將前  
軍本路將官呂政佐之曲珍將中軍高永能佐之王湛  
將後軍景思誼佐之李稷主運餉治版築而謀畫進止  
一決於禧以二十五日興工旬有二日而城畢賜名銀  
川寨夏人聞之以謂此城不爭則橫山為漢有靈夏為  
存亡所係要害以死拒之故有是役初虜兵尚遠諸將

多請擊之以挫賊鋒而高永能言尤切禧獨不聽及虜  
兵大至極目不見邊際俄而鉄騎涉無定河永能又曰  
此號鉄鷄子過河得平地其鋒不可當乘其未渡擊之  
可使殲焉若縱之盡則我師殆矣禧又不聽故及於敗  
乃築女遮堡展定西城以衛蘭州城六年正月二十  
九日西賊渡河直抵蘭州城下西門幾為所奪遂圍蘭  
州六月圍解閏六月一日夏國主秉常奉表乞修職貢  
十月一日秉常遣使奉表復修職貢乞還所侵地徹備  
邊戍兵長為外藩賜秉常詔地界已令廊延路經畧安  
撫使司指揮保安軍移牒宥州施行歲賜候疆界了日  
依舊 哲宗元祐二年六月二十八日秦鳳路經畧司

言西賊人馬侵犯隴諸堡地分七月二日夏人寇鎮我軍諸堡八月十四日詔夏國國亂主幼所以輒敢犯邊及不遣使賀謝有緣強臣乙逋等擅權逆命陰有異圖即非其主與國人之罪豈可遽興師討伐使向化之人例遭誅戮宜令諸路帥臣各嚴兵備無得先起事端其所發兵馬權屯次邊如乙逋等能幡然改圖忠事其國効順朝廷本國上章通貢特許收接與之自新若終犯順即令諸路乘便深入務在誅鋤首惡不得濫及無辜內首領素不附乙逋欲自拔來歸及乙逋同黨有能附順者聽所在以聞仍徧諭漢蕃以三省樞密院言夏國自秉常告喪既弔卹其國又封冊其子兩宮賜與甚



厚國中部落老幼無不歡躍不謂彼國強酋獨有異意  
風聞乾順不治國事有梁乙通者擅權立威輒犯邊以  
請地為名不遣賀正成節謝封冊使反覆違乞別懷二  
心若不加誅無以威示夷狄故有是詔 二十二日夏  
人寇三川諸寨敗之九月十日夏人犯鎮戎軍十五日  
夏人夜遁三年正月十八日詔陝西河東經畧司嚴戒  
邊將及城寨覘賊動息常若寇至以備之二月八日西  
賊寇府州邊將官鉗宗瑄擊之三月二十八日夏人侵  
德靖寨將官張誠等敗之七月十九日樞密院言夏賊  
會軍馬欲寇涇原熙河路詔葉康直遼介候常知賊境  
舉動保無他虞仍令劉昌祚劉舜卿選本路兵將涇原

路萬人於德順軍熙河路五千人於通遠軍接秦鳳邊地要害處駐劄為犄角之勢當先事以待之八月十八日樞密院言鄜延路七月牒抵宥州踰月方報乃專以疆土為請畧無悔罪謝恩之意名欲議事陰欺我師謀知舉國欲併力來寇詔陝西河東師臣從宜行訖以聞六年五月二日樞密院言熙河蘭岷鄜延路奏夏賊殺虜人氏畜牧毀烽火臺經畧司以兵邀其歸路生擒首領獲級詔諸路益謹邊備如夏賊再來侵犯即審度事勢以計破之勿貪功輕入墮賊計中亦不得無事妄生邊患兼慮說詐屯兵一處却乘別路之隙其環慶涇原秦鳳河東路亦當依此指揮二十八日鄜延熙河蘭

岷路經畧司言西人侵界作過遣兵邊截各擒首領一名詔令逐路經畧司只作本司意將逐人放歸仍面諭以疆界雖少有未畢夏國安得輒發兵衆侵我邊境今既生擒即合斬首界上蓋為朝廷意在好生又憂國見輸常貢且放汝回候到本國明諭梁乙逋并近工首領今後不得縱放人馬亂有侵犯閏八月六日夏國首領梁乙逋將統領河南北人馬揚言謀欲犯邊九月二日西賊深入攻圍麟府州詔麟府路軍馬司集兵應援仍令范純粹審擇便利牽制策應五日西賊入寇麟府州未退詔河東路經畧司誠諭張若訥占據地利審度賊勢選募驍勇敢死之士出奇逼逐或乘師老墮歸之際

擇利邀擊七日樞密院言夏賊寇犯麟府州雖已遁去  
今據陝西沿邊奏報見各於並邊嘯聚竊恐復寇別路  
詔陝西河東逐路經畧司如遇西賊入寇本路兵力不  
勝即速令互行關報牽制策應十月五日樞密院言沿  
原路探報梁乙遁近犯麟府界為人殺死梁阿革乙遁  
為夏國所誅詔逐路經畧司如乙遁未誅尚猶用事即  
宜乘隙用間仍選可用之人厚遺金帛優許職名密切  
經畫七年六月九日詔夏賊犯河東合要諸路牽制麟  
府路令府州軍馬司嵐石州令石州都巡檢司舉橫烽  
入廊延路轉報以咨路分其諸路得河東橫烽若麟府  
軍馬司得諸路橫烽並簡習軍馬速赴順便堡寨駐劄

未得出界各候探報得實可以牽制即從長取利進兵  
先是樞密言夏賊犯順寧州某處酒使司牒諸路方會合按蓋置橫烽遠相照應為便故有是詔八年  
正月十三日廊延路經畧司言保安軍得宥州縣本國  
準北朝劄子備載南朝聖旨稱夏國如能悔過上奏亦  
許應接今再欲遣使詣闕十四日詔夏國請命未測情  
偽今陝西河東帥臣約束沿邊過為備禦仍戒約兵馬  
不得於邊界生事四月一日夏國主乾順遣使謝罪獻  
蘭州乞賜塞門寨詔答不許 紹聖三年五月六日樞  
密院言西人雖稱欲遣人進貢誓表却又侵犯廊延義  
合等處宣宜邊進攻討禦捍之備詔陝西河東經畧司  
多方備禦八月五日廊延路經畧使呂惠卿言自六月

以後五十日間第一至第七將前後十四次俘斬甚衆  
並獲副軍大小首領副鈐轄及得夏國起兵木契銅記  
旗鼓二十一日鄜延路奏西賊壓境詔差府界兩將赴  
鄜延路京西第二將赴熙河蘭岷路府界第七將赴秦  
鳳路十一月二十四日環慶路經畧司言宥州界正名  
峒等各帶領人馬於曲律六掌等處駐劄欲寇塞安等  
寨遣鈐轄張存領兵將掩擊斬首九百餘級四年三  
月四日涇原路經畧使章楶言今來進築須藉別路聲  
援牽制乞更下鄜延河東廣張聲勢為深入之計熙河  
蘭岷路經畧司候見涇原路舉動月日即疾速指揮蘭  
州廣作渡河討蕩聲勢務要分撓賊計仍令鄜延河東

路經畧司依涇原路所奏施行六日涇原路經畧司言  
西夏起甘州右廂卓囉韋州中寨天都六監軍人馬屯  
編江州白草原又遣首領妹勒都逋烏喇革勒領兵並  
塞詔涇原帥司嚴誠諸將每事持重務取全勝二十七  
日孫覽奏西界長波川有賊兵屯聚尋遣兵入界遣先  
鋒張真等至津慶川破敵乘勝至惟烈川折克行相繼  
而至斬二千餘級獲牛羊馬三千有餘并燒蕩族帳迤  
邐還寨四月五日知保安軍李沂統制兩將人馬入西  
界討蕩燔毀洪州城內外首領人民族帳等甚衆得牛  
馬駝畜二千餘十三日呂惠卿言差路分都監劉安統  
制兵馬出塞修復浮圖寨八月三日河東經畧司言西

賊侵犯神堂等堡遣將賈岳李侯以少擊衆賊倉卒首  
尾不救遁去王師乘勝修復葭蘆五日郿延路經畧使  
呂惠卿言近遣將官王愍破蕩宥州燒毀族帳斬獲五  
百餘級牛羊以萬數十二月二十一日樞密院言熙河  
蘭岷路經畧安撫判官鍾傳將本路并秦鳳兵出寨斬  
獲僅四千級元符元年三月二十四日河東路經畧  
司奏崇儀使張世永等統制兵馬出界討蕩獲千餘級  
大小首領二十餘人十月二十五日涇原路經畧使章  
榘奏西賊三十萬犯塞攻平夏城凡十三日將寨官捍  
禦無虞二十八日照河蘭會經畧司言副都總管王愍  
統兵徑趨卓囉右廂以東攻討以牽涇原賊勢到罷沙



會遇賊迎敵慙躬率將士奮擊大破賊衆斬首千三百  
餘級內一級係偽江落駙馬頭俘三百餘人牛馬羊駝  
二萬五千餘數百里族帳蓄積燒毀殆盡 二年三月  
十九日遼國泛使國信使蕭德崇等齎國書為夏國解  
和 其畧云粵維夏臺實力藩輔累承尚主迭受封王  
近歲以來連表馳奏稱南兵之大舉入西界以深國懇  
求救援之師用濟攻伐之難理當告急事在解和盖念  
遼之於宋親重祖孫夏之於遼義隆甥舅必欲兩全於  
保全豈宜一失於綏存盖其意止為夏國游說欲息兵  
及還故地云 四月十九日蕭德崇等辭授以報書許  
以自新回劄子云夏國久失臣節未當開納今以北朝

遣使勸和之故見令邊臣與之商量又緣夏人前來曾一面修貢一面犯邊慮彼當計窮力屈之時暫為恭順以疑我邊備俟候稍穩復來作過則理須捍禦及行討伐若果是出於至誠服罪聽命亦當相度許以自新

六月二十六日鄜延路經畧司言西人寇順寧寨差弟三副將張守德等至牛羊川擒獲斬獲首級七月二十三日環慶路經畧司言知環州种朴領兵至赤羊川收接到賞羅訛乞家屬百五十餘口孳畜五千夏賊千餘騎來追與戰生擒監軍訛勃囉并首領淚丁訛遇詔本司體問訛勃囉如妻是西界監軍即取問在西界日所管地分人馬及有何家屬在彼并所見聞事以聞仍管

押赴闕所有賞囉訛乞家屬仰多方存卹及選差信實人持本家信號往招訛乞令早歸順八月二十八日洮西沿邊安撫司言夏賊五千餘騎來攻廝歸丁南宗堡遣兵接戰遁去九月一日夏國主乾順上表遣使謝罪見于崇殿政詔賜夏國曰爾國亂常歷年於此迨爾母氏復聽姦謀屢興甲兵擾我疆場天討有罪義何可容今凶黨殲除爾既親事而能抗章引愆冀得自新朕嘉爾改圖姑從矜貸已指揮諸路經畧司令各據巡綽所至處明立界至并約束城寨兵將官如西人不來侵犯即不得出兵過界爾亦嚴戒沿邊首領毋得侵犯邊境候施行訖遣使進納誓表當議許令收接二十六日樞

密院言鎮戎軍中西界二千餘騎出浮圖岔與官兵鬪  
敵供奉官陳吉差使李斌等死之侵犯漢界有違誓表  
詔廊延路經畧司令保安軍移牒宥州聞知本國主令  
遵依已降詔書施行十二月三日夏國差使副令能嵬  
名濟寨等詣闕進上誓表謝恩及進奉御馬詔依例回  
賜銀器衣著各五百匹兩 交州總會要  
作交趾 太宗太平  
興國五年七月詔以蘭州團練使孫全興兼總庫使陳  
欽祚八作使張峻左監門衛將軍崔亮為邕州路兵馬  
總管寧州刺史劉澄軍器庫副使貢湜供奉官閻門祇  
候王俱為廣州路兵馬總管分路率師討交州就命知  
邕州太常博士侯仁實為交州路水陸計度轉運使

初仁寶上言交州可取因求乘傳入奏叅知政事盧多遜素不喜仁寶因謂帝曰先召仁寶泄其謀不便可就除為轉運使經度其事

事具史  
趾門

神宗熙寧八年十二

月二十一日交趾入寇詔廣南西路經畧司嚴切自守命置安南路經畧使司以預經制其事將討之也以天章閣待制趙禹充安南道行營馬步軍都總管經畧安撫招討使廣南安撫使入內都押班李憲充副使九年二月二日以知太原府宣徽南院使郭逵為安南道行營馬步軍都總管本道經畧招討使兼荆湖廣南東西路宣撫使改趙禹為安南道經畧招討副使以龍神衛四廂都指揮使燕達為行營馬步軍副總管而罷李

憲用選人程壽孫等九人為九軍主簿仍命趙高都大  
提舉計置糧草達等以十二月十一日出界討伐是日  
破決里隘沿路賊黨望風逃遁二十一日大軍抵當庚  
江未至交州三十里賊以精兵乘舡逆戰達兵奮擊斬  
偽大將洪真太子其餘驅擁入江溺死不知其數其首  
領李乾德上表乞降所收復廣源州門州蘇茂思琅諒  
州等處溪洞開拓千餘里為內地先後降賊將觀察使  
劉應紀共一百九十人以其事聞輔臣稱賀十年二月  
二十五日詔罷經畧招討等司行營軍馬徐量留屯守  
外發歸逐處以達就判漳州高就知桂州以安撫其後  
也